

靜
居
集

靜居集

四部叢刊三編集部

上海涵芬樓影印江
安傅氏雙鑑樓藏明
成化本原書板高十
九公分寬十三公分

靜居集敘



詩出乎三百篇變而漢魏晉至唐而
極盛宋訛則由理義中來吳彞盛杏
有卯白蘇黃陳梅各成一家言出若
彙我江西詩禮無已聖俞皆江軍之
豪傑當時少皆稱之不置
元詩出入經史貫串事竇吳盛而嘗
擬杜少陵香亦卯家惟楊仲弘闕產



若虞伯生范德機揭曼碩詎非皆出
於西江乎哉

朝文物之盛趙邁建笱故誼之盛尤非
宋元之可及洪奩初有鳴於吳中香
白高季迪氏楊孟載氏徐幼文氏間
有張來儀先生則吾江名之潯陽人
因父仕吳遂僑焉是亦卯人亦各成
一家言說香可方唐之王楊盧駱已

信於吳鄉博之天下久矣予頃道姑
蘇適軍廣憲僉張君企翱手式編白
靜屈集迺先生所化詩也示予屬爲
心敘三漫讀之見吳學醇正而渾厚
吳辭清潤而敷矜於凡撫時觸物跌
宕感慨皆於是乎觀之如香茗煠月
良快人目市寰赫帛賚沛時用要之
莫非發乎情岌乎理義三經三緯不

夫古詩人之遺指蓋將軼宋元而沂
乎唐雖魏晉之曹劉陶謝能無一二
媿美之哉回眎鑿鑿淡以爲古騁浮
靡以爲高競藻繪刻畫以爲芳鮮香
奚啻倍蓰是足已鳴

國家之盛詩而繫乎家國則爲弋弁之
詩而誣在天下吳豈特限江東西而
已企翺以予生齒江於先生爲鄉末

而起言委叙之善如此惜乎不足以
起之也企翺圖梓百行吳好德尚友
之勤可嘉故不靳而僭評先生之詩
先生名羽靜居吳別號後又遷寓吳
興仕至太常司丞獲梓終云

弘治改元冬陽月朔

賜進士第通奉大夫廣寧承宣布政使
司右布政使盱江左贊書



蘇集予五鬢年守外祖華
生竹手授予守者竇護之不
荆之璞魯之璠也至崇禎五年
予齒五十七以予以四十餘歲
西月中後忽爾失去彷彿者半
許家失良朋又失左右手至二
月初日在婢篋中竟出程然
完書如後遇友人語之後入法

靜居集目錄

卷之一 五言古體

雜詩 三首

擬古 十二首

雜言 十一首

元夜值雨

春寒

期黃許山人不至

春日陪諸公

喜遇徐幼文

春齋紫薇

春初遊戴山

兩夜

春山瑞靄圖

山中送悟澹

春晝

春雪

谷高記室

雨中試筆

春日郊原

過田家

暮春值雨

夏晚行蒼溪

夏景山林

山閣夏夜

納涼

大雷雨

酒醒聞雨

觀稼



南庄觀耕

晚涼放舟

聞蟬

北窗獨酌

喜雨

立秋言懷

秋懷

曉起聞雨

聞早砧

秋荷

秋陰遠望

秋雨歎

積雨始霽

初晴登望

中秋玩月懷友

月夜舟行

飲酒桂花下

秋日過許氏園林

田園秋日

蒼溪道中

立秋日早汎舟

雨中偶成

秋日登戴山

戴山石上聽松

大雨山中作

峇黃孝廉

夜坐

曉起

秋日郊行

秋曉過田庄觀穫

潭上偶詠

菊窻

望西山懷子文

寄泐李潭

雪中待孝元

雪後

西齋冬曉

送楊儀曹

舟過太湖

吳興雜咏十八首次韻徐幼文

閒齋獨夜

奮吹臺先生

懷方貞外

赴臺

題陳長司畫

無寐

聽香亭

張節婦

清晏堂有引

題步羽士畫

過雲岩

迂居

登銅鳩後岩在吳

寄題北山堂

媚淨軒

得高吹臺遺稿

倪雲林畫

懷景佺師

寄杰上人

示沈集

寄吳隱君

贈吳道士

舟中

玄覽室

送許師還大滌洞

贈劉醫士

贈莫雲樵

肩上墨萱

采苓子

寄許耕隱

獨夜聞雪

山中答寄書

暮歸

望佛燈院懷南澗

寓幼文宅

擬過園隱

石門道中

續懷友

五音有序送方負外歸

答方以常見寄

會宋天章

送莫翁

讀書圖

山居寄山仲

麴院荷風

和蒼童中州掌教

蓼莪堂

岳鄂王墓

經德壽宮遺址

望故人不至

送人之官

贈製筆生

過費山人園

雲山圖

舟過西余漾

徐君左遷

雨中懷

觀高吹臺遺稿

茗陽草堂

庭前菊

僧舍看竹

楚江清遠圖

會飲戴山

曹程二文學見過

過南莊感舊

徐叅政竹

移寓

宿天寧寺

江浦歸帆圖

李仲賓墨竹

和金琬

喜金孝元至

陳僉事見訪

過九里山

病起

遊南山

過黃君新居

曉山群山圖

移居

金孝元復至

觀道書

送李文學還鄉

晚翠軒

松下曉櫂

雨中簡金孝元

臨黃庭

謝車明惠葦

萱

送陳憲副

得徐主事書

卧雪圖

築室宜春園

僧寄芝

牧

送陳憲僉

弟瑜赴京

送郭伯理遷葬歸

侍宴應制

胡玄素畫

贈胡聶二才子

松竹軒

倭扇

晚歸飲衆芳亭

元日喜雪

郭生讀書處

觀習禮

紀行十首

卷二 樂府歌行

賈客樂

長安道

行路難

將進酒

獨不見

守宮詞

百索詞

羽林郎

才人嫁廝養卒婦

吳宮春詞

楚宮夏詞

秦宮秋詞

漢宮冬詞

寄衣曲

陌上花

鳳兮吟

公無渡河

結客少年場行

龍馬行

猛虎行

老将行

長干行

白紵舞詞

溫泉宮行

咸陽宮行

驛船謠

聽蟬曲

古朴樹歌

踏車謠

戴山迎送神曲

古劍行

葵軒歌

余忠襄公篆書歌

畫雲山歌

秋桂詞

松陰夢詞

碧桃花歌

南宮雲山歌

魏公竹枝歌

遵道墨竹歌

唐棣雲山歌

長洲行

梅花月樓歌

畫山水行

卷之三 七言古體長短句

元暉雲山圖 孝敬雲山圖 送周以道入監

梁節婦 送人之官 贈李仲賓

山中樂送友 贈袁柳莊 題赤城霞画

天目山房 遊嶧山 望太湖

畫春雲疊嶂 倪元鎮畫竹 王元章墨梅

錢舜舉画 胡廷暉畫 送沈孝廉入山

贈宣瘍醫 杏林 寫翁面就題

双節堂 望雲思親 題画梅雪軒

日上入菴 賜倭翁 送金秀才歸侍

趙千里畫 高尚書画 徐士原畫

徐黃門畫

韓介玉畫

陳仲美夏木圖

姚運使溪山

青弁雲林圖

幼文畫蕭山古寺

天柱峰圖

陳昇画馬

再題廷暉山水

山泉隱居

送石隱人

臨房山小幅

卷之四 五言律

尋春

尋梅

早春旅懷

山中春日

山居

吳城覽古

寄王止仲

遊虎丘

蠶婦

杜宇

江村夏日

夏夜舟中

湖上避暑

蓮花

涼夜

閑坐

宿山房

江晚旅懷

次高季迪寄

秋夜旅懷

客夜有感

池上

歸燕

秋日寄山中隱者

冬日寄友

約徐隱君

耕漁軒

送金文學

送呂道士

遊黃龍洞

吊鶴

寄吳有本

答劉秀才送竹杖

送人之平江

孫景翔幽居

送劉仲鼎

贈王商翁

送田丞

越上別苑景文

隱者居

呂芳卿吟卷

劉國寶隱居

山陰曉發

詩窮

懷王英甫

聞歌妓

吟窩

贈陳逸人

峇高起敬

天目山

自在廬

文心之見訪

寫懷

憂梅

書自真

贈何秀才

卷畫者問詩

塵事

重過楓橋

滕州逢卜德夫

呈林且翁

懷李田二友

訪孫伯宇別業

倪隱君歸越

送同行省親

旅懷

梁較理歸杭

永康道中

過衣洲

浮生

隱者山房

贈唐師善父子

送金子仁

再贈王商翁

寄劉仲點

次李景山韻

送客

藥徑

寄蘭整

寄大滌道士

遊山寺

以下皆為真

訪道衍上人

答祐上人

讀珣師潛山集

重遊淨慈

開師道場

別英僧

徑山夜間鐘

詩禪

與高禪師

寄一見

讀宗祐詩

寄祖雍

送僧之華田

禮覺菴真塔

呈天目高峰和尚

贈元講師

贈新雲巖

題海雲真師碑

宿祖師菴

六池菴

勝僧遊廬山

送明本上人

古澹文本心

送僧還天目

五言排律

眠雲軒

綠水園燕集

雪

春寒

立春試筆

題談太守藏御書

送秦縣丞

送鄭主簿

元夕錢唐懷古

春雨軒

杏隱

從水幸閱武

元日陪

大祀

香園必興

和盤新制

卷之五 七言律

谷野良山

家新地新

早春遊望

春雪二首

春遊

寄宋仲溫

春日登戴山

過吳即景圖

首夏

納涼

宿道場山寺

泛湖

川上暮歸

郊居

寄丁至剛

秋夜宿僧院

秋齋早起

登戴山佛閣

九日登山

歲暮山居

雪意

除夕

送李文學還江右

江館漫成

贈趙似之

行樂過西嶠

贈一初國錄

送徐君輔

殘臘夜書

元日似友

和立春之作

僧居寒夜

寄王高二公

吳興懷古

送谷克讓侍親

登百僚山

寄述古

九日登道場

菁山石梯閣

贈僧玘

孺山懷徐孺子

奉西軒看梅

溪居

觀梅

寄梅雪

次高靜學韻

陳氏先龍圖

送胡宗禹

贈袁省翁

故陳哲手抄詩

送張憲史

答復見心

宿保叔院

同安阻雨

春園漫興

曉過淮陰

鳳陽使還

懷周倬

沅水驛

送人歸隱

送僧省親

寄渭南屏

寄喜性二衲

贈中道立

寄道場聯上人

初度寫懷

謝高記室

過何山廢寺

過蜀山隱居

贈傅山人

訪許文學不遇

送人之官

重陽道院

官廨雨中

客夜有懷

寄方負外

夜懷傅生霖

寄徐主事

贈彈箏人

贈鄭邴文

送蕭縣丞

送邴文東歸

金陵道中

揚州道中

燕山客中

喜則堂大衆南歸

閩中春暮

過春申君城

挽徐秋官

燈花

姑蘇臺懷古

涉世寄道衍

送越僧住山

送祖僧徃京

寄婺州信長老

送陸道師

寄香山

峇山西楊憲副

卷之六 五言絕句

古意

古恨

和孟載刺客四詠

約諸友賞月

石屋

琴臺

山寺阻雨

贈永中山人

讀周尉月山吟稿

山中二絕

山中四景

題徐幼文畫

晚眺

偶成

蕉

萱

秋夜卧病

絕句

胡騎圖

重午四詠

觀魏武本紀有感

畫十三首

章舟隱畫

趙仲穆着色蘭

竹

倭扇

山居七詠

寄方員外

吳興四曠守

月潭試茶

寺中書所見

西湖四題

問徐道士病

水邊桃花

畫千回文

蘭室五詠

懷孟載幼文

贈張思廉

方園雜咏十二首

畫

移蕉

客中聞鴈

燕山九日

將歸

六言律絕

廷暉白雲圖

畫

雪夜

七言絕句

元日

早春野望

春夜

惜春

隣家杏花

蝶

芍藥

飲吳別駕園

雨中憶東園杏

雨霽

白鳥

尋花

野市

雨中桃花

和孟載花時感事

別李寄閑

和看花已過

和季迪春思

送春

暨陽別友

野步

夏日聞鶯

夏日宮詞

夏雨新霽圖

池亭夏夜

重午回文

觀競渡

荷

晴望

山下晚步

桂開值雨

西村夜歸

秋日蘆菴花

雲川舟中

山居

贈琴士

山中

白芙蓉

陶靖節像

寄陳處士

秋日郊居

步月

山居秋景

湖上晚步

九月八日菊

山行乍見梅

尋梅

似文性之山長

懷方仲容

冬日無題

約友賞梅不至

紅白梅

寒夜宿山庵

寄鶴瓢道士

張季璉書樓

朱性夫吟卷

畫

暮過西疇

東園報花

哀宗女阿歸

悼高季迪

挽楊孟載

贈卜者阿歸

孟襄陽雪圖

寄二長老

林下燒笋

寫畫

聽理琵琶

次孤山

淨名目系

頭陀道者

感舊

海會僧舍書

寄友

梅雪軒

贈長興杜典史

曉發嘉興

四古人畫

雙馭圖

舟中聞歌

題画寄友

贈五河孫驛丞

小遊仙

見亡友詩

題楊孟載画竹

登聽雨軒

宮詞

廢寺

寄雍天目

雲岩古泉

雪竇瀑布

金華道中

維陽春曉

登韓信城

燕山春暮

賜倭扇

將歸

靜居集目錄終

靜居集卷之一

潯陽張羽來儀著

五言古體

雜詩三首

后皇有嘉樹受命生南國
謬承雨露恩結根非一日
如何游間子攀條摘其實
一摘已自傷况乃再三摘
清霜凋綠葉榮枯良未測

冷_レ山下泉汨_レ谷中源
中有雙鯉魚浮游戲波瀾
江漢豈不深欲徃道無緣
風雲諒難遇栖_レ守故淵
但恐勺水枯終為漁者憐
感此令人悲置身良獨難

生平慕遊俠驅馬適東周
周人重千金所遇非我儔
撫劍登太山歷覽魯與鄒
小儒事絃歌_レ安足由北臨

邯鄲道平原曠悠悠嘗聞虞卿賢斯人不可求悲哉窮
途士緩急將焉投

擬古十首

落落礪底松纖纖路傍柳落落固難合纖纖終易朽感
彼世間人結交當結厚願如膠漆堅寄之當永久生平
長如茲不在接杯酒如何勢利交變態如覆手咫尺不
相知離隔復何有

行々出荒城遙々見古墓慨彼泉下人千歲永不寤衣
冠日已朽狐兔穴無數白楊來悲風芳草没行路人生
若飄塵壽非盤石固陰陽相推遷命如草頭露自古有
生死聖賢亦難度為樂當及時無為惜朝暮

蒼々西陵樹鬱々南山芝死者不復還生者徒爾為感
彼人一生光陰如電馳彈琴再三嘆戚々有餘悲忽念
同門友別去長相思振翮兩相忘何當遠來茲但願常
巧笑懽樂能及時踟躕感節物遇酒詠露斯素心一何
堅棄捐非所期

庭前有佳樹奕々發春輝豐條長華滋綠葉漸芳菲馨
香逐惠風馥々飄我衣游子遠行邁式微胡不歸相去
日已長豈不念乖違慨彼當今人知音古所稀采此欲
遠寄何由覩容微

高樓峻而安巍々造雲表綺窓四面開華薨覆清沼上
有絃歌聲音響自繚繞瑤琴間寶瑟所彈多佳調不辭

青居集一
彈者勞但恨知音少清商凌風翻中情正悄
愛而能
惠我願為雙飛鳥

閑夜會親友置酒臨高堂秦箏間趙舞吹笙復鼓簧清
音隨飄風逸響繞脩梁坐客咸同志寧復筭羽觴人生
忽如寄富貴安可常含情待所懽渺上天一方譬彼鷓
鴉鳥揚聲待朝陽憂思怨零雨白日何時光且當極歡
宴聊以慰中腸

薄遊上東門南望青山阿松栢鬱蒼上絕頂亦嗟峨中
有避世者存身養元和我欲求其人年歲空蹉跎驅車
尋歸路延目望三河古來節俠士孤墳蔽蓬科殺身不
成仁倏如飛鳥過宛轉採芝田令人生嘆嗟

出郭慘我顏、纍、北邙墳、悽、挽者歌、咽、喪車輪、旌、竿、日、滿、碑、碣、朝、新、昨、來、送、塋、人、奄、忽、及、其、身、朝、為、席、上、珍、暮、為、泉、下、塵、惜、哉、富、路、子、為、樂、湏、及、辰、有、金、不、趣、賣、當、為、誰、所、吝

出門行康衢所見但車馬登高望太行中原空曠野胡鴈投南遷白日從西下值此歲年晏無可為懽者馳詠寄親友孤懷聊用寫布衣可終身爵祿當自舍

少年好繁華所愛惟桃李結交輕薄兒携手日遊戲驅車洛陽陌風塵為之起繁華在三春芳菲正鮮美秋霜若砮折漂零此云始豈知松栢堅冬夏長如是迴轡舍之去深入南山址富貴多留人且從黃輿綺

青房卷一
三
雖雖池中鴈飲啄得其時夕息藉芳蓀朝遊蔭階基仰
視雲間翼傲傲向南飛朔風摧羽翰嚴霜下霏々辛苦
萬里道可免寒與饑倘垂終養惠豈樂衡陽栖

處世如逆旅生年少至百朱顏易枯槁鬢髮終變白一
朝氣息盡奄然歸幽宅衣裳弗復御車馬他人得豈無
俎豆陳滿案不能食所以君子心鼓瑟以永日佳賓時
相過濁酒聊共適况此忘百憂陶然謝形役區々塵俗
中鄙吝深可惜

雜言十一首

子屏處閒默久絕篇章維時新春

偶感歲月慨然興言既復自課成袂輒書以
見襟抱隨事為篇雜出無倫故云

青陽萌始節萬物咸光昭我亦動新懷晞沐起晨朝俯
覽手中鏡仰看枝上條枯卉有再榮華髮行已焦總角
服遺訓老大望逾遙不傷華髮衰但恐志業消學成在
永久期之於後凋

右軍懷逸民向平悟易卦如何不決去皆云待婚嫁區
區兒女情達士何足掛我今履其境此語亘深訝嗟予
喪鄉土舊業廢耕稼連蹇五九年玄髮忽已化一女首
甫笄兩男肩相亞依依向父情款款接言語素懷歸衡
廬顧此豈遑暇寒雞翼其雛鳴鳩均上下物性猶有然
人情諒難舍何當携幼稚盡室騰遠駕

蜀嚴好沉冥日食止百錢卜筮人所輕久之操彌堅君

子有所貴乃不在當年百世有知音何必鍾期然子雲
大區區譽之公卿間早哉益州牧乃欲吏高賢豈無王
侯貴敢見不敢言斯道誠兩得永為後世傳

此邦非吾土寄跡聊在茲旅食何所營亦復假耘耔玄
冬苦霖潦良苗奄離披至今畎澮間餘波渺相圍行恐
春澤盛耕墾失其時共虞斯人難豈獨念吾私先師有
遺言耕也有時飢且當竭所務天道非我知

昔予居南山樂有同心人形跡不整乖棟宇復為鄰有
酒更相呼得粟還我分時、榛曲中相携採荆薪兩賢
不相猜所貴得其真一朝各異路隔涉吳與閩拙宦失
其宜薄責恒苦辛慈母抱沉憂興言涕盈巾昨者訪故

廬松竹稍或存依，親舊跡戚感良辰。命駕欲相求
風波限通津，尚想古人交。俯仰愧此身。

士有避世者，高居浙江源。王室方橫潰，斯人獨孤騫。抱
瑟倚衡門，清風拂朱絃。舉世莫能屈，乃獨詣任延。掃門
慙為辱，尺牘情屢宣。意義有相激，權位非所先。周公下
白屋，斯禮自古然。區功曹檄，何足致高賢。

生平頗愛酒，未常自斟酌。一與佳賓遇，陶然不復却。雖
得一醉歡，傷生莫能覺。况復多謬忘，空為俗所薄。靜言
思利已，一止良不惡。東隣有父老，頽我忽大噱。與子共
禿翁，忍棄手中爵。酒為榮衛楨，多憂正相博。呼兒漉新
釀，且復共鼎酌。醉罷各相恕，誰誠責狂藥。

青：女貞樹霜霰不改柯托根一失所罹此霖潦多高
枝委為薪落葉掩庭阿弱柳對門植秀色一何佳物性
固有常變幻其柰何

伯鸞舂吳市伉儷乃相之布衣日操作椎結無容輝居
貧敢忘敬舉按與眉齊斯人亦何脩感彼糟糠妻買臣
躬負薪室家請長辭豈惟匹婦醜君子諒有虧周道興
閨房衽席詎為微所以卻缺耨重耳任不疑斯道久寂
寞据據為此詩

余生憚遠涉旅寄百里餘自從去家來歲月忽已除緒
晏人事迫卷秩還故居揚鱸發東臬掛席指西隅且從
家私務暫與友愛踈渺、遵溪渚行、入吾廬依、携

童弱藹、會里閭啓扉玩東園綠葉榮韭蔬採之侑春
酒數酌忘飢劬但苦遭潦荒羨秣無舊儲猶當望來稔
尊中長不虛空名百歲後此事非我須

抱拙衡門下久矣忘鳴琴凝塵翳其徽絃絕調亦沉時
還置我膝命酒聊自斟高歌出金石拂拭趣已深酣來
枕之卧冥此千古心吾亦忘吾形何事待知音

元夜值雨

嚴城弛宵柝遊宴樂芳年焉知向此夕寒雨暗晴川佳
盟坐成阻清觴誰共傳華燈淡無光歌管寂不喧千門
火市散九衢人跡指弗見心所愛值此獨凄然

春寒

齋居滯積晦餘寒襲春服谷風從東來微雨亂相續
蘭心茁還卷蟄戶啓仍伏樹冷寂鳴禽庭荒絕來躅
此時重燃火傾觴泛新醪尋芳期自憇懷人思方數
淵景元易徂掩扉愁獨宿

三月三日期黃許二山人游覽不至因寄

曜靈無停機四序互相更唯有暮春節在昔重其名
姬旦城洛邑多士方來并羽觴隨流波逸語存遺聲
奉王臨河曲高會列簪纓金人貢長劔夷夏俱來盟
偉哉伯王業小人非所營獨愛晉諸賢流風有餘清
亭臯列茂樹脩竹蔭崢嶸幽蘭交綠坂清湍左右鳴
濟少長集鮮春服明中有王與謝文華冠群英沿坻
玩流轉列

坐無所爭觴來不復停
蕭翰隨意成一醉達天和曠然
遺死生俯仰宇宙間何物累其情
我欲效斯人茲晨且
游行如何千金諾翻自意所輕歎逝懷方結望來念徒
縈良遊誠難遇默掩柴荆

春日陪諸公往戴山眺集暮入北麓得石床巖

洞諸勝

張宴凌崇顛返策憩澗陰南岑夙厭歷北麓今始臨危
磴絕來衍崩壑瞰空潭幽竇抱虛白哀牝遙清音傍探
闖窈窕側坐倚嶠嶇古苔紋已駭春蒲茸漸深幽禽語
相續驚麕窟莫尋扳蘿胃脩袂折蘭芳素衿竒蹤閱自
古勝賞發予心雖微舞雩詠敢諧溱洧吟山河永襟帶

微生終陸沉愧乏古人操將何視來今

初至西林喜遇徐幼文

與君三春別成此一會期清言美無度離緒俄相遺况
復在丘園俱無冠帶縻逶迤下澤遊皎潔艷陽時桃紅
媚壑圃竿綠遍川坻覆觴申宿戀開秩問新知澄懷悟
淵泳脫迹仰冥飛幸同賞心遇白首永無違

春齋紫薇

彼美掖垣秀遺此荒庭中賦質非有異置身偶不同屢
供樵爨餘生憊幸不窮蒙寵委榛莽灌溉缺人工謂如
衆艸棄忽見孤花紅枝長不擇地始知無化功褰衣遠
清渠輕香散晨風似感幽士知芳意默自通一聞清露

翻預恐絲雲空等是榮謝理何待植南宮

春初遊戴山

雲羅橫四海田野無遺英尚賴二三子共怡山水情
煦煦新陽動寥寥天宇清昔人稱四美茲晨遂成并
前登高丘阻遙睇澄湖明憑林招遠風松檜自成聲
悅仰天地間微驅良不輕安能自羈束坐使衆累縈
處賤足為貴抱素詐非榮逍遙解神慮庶以適吾生

雨夜

寢閣去門遠春雨荒園夕誰謂在人境宛似空山客
禽歸暗竹喧風斷踈鐘寂感寡懽悰良宵端可惜

春山瑞靄圖

鶯啼山雨歇前川綠正繁人家在深對雞犬晝無喧澹
澹流水意依依田父言謾鼓木蘭楫往溯桃花源即此
堪結廬可以傲華軒

山中送陳惟寅

春山有佳趣累日同遊寓我為采薪留君先拂衣去竹
翠落閑階鶯聲出高樹空館愁獨歸依然携手處

春晝

人間白日靜鳥鳴高枕餘薜蘿引脩蔓綠覆茆簷虛砌
筠初過雨凶風時弄書已無車馬跡適似田家廬於焉
何足戀性自樂幽居

春雪

寒雲接春野客衣夜來薄凍雨曉成花隨風散高閣潤
添柳意重清兼梅片落壓篠亂離披穿林紛淡泊寒雀
下空堦凍泉哽哀壑此時開帷坐遙望青山郭

次韻荅高記室春日寄懷

幽窓逗春和惠風展殘編注目惜時芳懷人當晝眠雀
乳草漫野蒼競鷓啼煙襟期想無背自然情屢牽

雨中試筆

門徑素來靜雨中人更稀山禽時一轉田雉每雙飛客
散罷琴讌心閑清道機南山有佳色相對共依依

春日郊原

陽春氣云晏葱蒨衆卉新芳園新雨罷輕風生綠塵群

山布遐景廣陌見遊人步階尋蘭遠掩閣看花頻佳禽
有餘轉靜聽悅心神幸此塵事簡况諧農圃隣一酌芳
樽酒披懷寫愉勤

春日過田家

閑行無所適試款田間扉稚子出門迎老父荷鋤歸延
客置上坐相見情依依但言開歲來戮力肯復遺桑麻
繞屋長田蚕俱及時且復息所務一壺聊共揮感此意
真淳一醉不復疑躬耕從古然但使願無違

暮春值雨宿陳惟寅園次韻高季迪見寄

嫣紅送韶華去上不可攀那知鳥啼倦徂春掩柴關扶
藜覓良朋圖解永晝閒遽堪山園雨來洗殘芳顏趣赴

種韭畦借榻青蘿間
通宵話忘眠窓日睡未還

夏日曉行茗溪道中

渺上孤舟逝寥々天象明虹霓照川上宿雨朝始晴沿
流玩澄景豁然暢幽情前瞻遠山靜旁眺壑田平窈窕
菱荷色幽脩蟬鳥聲覽化心已悟遠俗身自輕值此足
容與無為戀歸程

夏景山林

山中可久留遊子已忘歸喬松蔭茅宇奔泉浥荆扉
颼颼谷風涼朝々鳴禽飛仰聆伐木遠俯視來踪稀企石
摘蘭芷攀蘿眺欽崎玄雲蔽赤日炎光變清輝居安理
自順慮淡願無違欲招同懷客共製青蘿衣

山閣夏夜

茲山何岌堯飛閣復崢嶸
疎松含秋思華月麗層臺
開襟倚懸檻沉抱條已清
炎歊暫如忘涼風四座生
翻々棲鳥沒依々遠火明
仰觀星漢回俯瞰原壑平
景幽世事絕安居道心精
於焉悟澄靜逍遙寫中情

納涼偶成

埜氣變蒼涼華月始東上
空庭夜無喧清景自堪賞
散髮乘夕涼當軒坐閑敞
輕風度荷氣微露和松響
獨酌詎成懽高歌誰當獎
憂來攬衣卧舊游勞夢想

五月二十四日大雷雨

朱火熾中夏苦熱安可當
朝遊倦白羽夕息思佳床
暴

雨從何來振風方自揚
驚雷破屋柱飛電舒夜光
豐注懸脩雷巨漲溢高防
恭聞帝舜德至德弗迷方
小子敢不畏整冠坐中堂

酒醒聞雨

端居苦炎熱獨卧多早悟
微醉易成醒起聞山雨度
蕭蕭蕭煩燠解寂上涼颼
舉牀空簟更清漏水天難
曙豐雷落芳塘驚禽起山
樹此時一披襟將何慰幽
素

觀稼

仲秋積風雨長空夜來晴
幽居悶無悰散步南田行
歷覽周四隅禾稼如雲平
嘉穗覆高壠秀色接遙城
斜陽照阡陌田禽時一鳴
預知年穀登行省倉廩盈
玩景欣

美物為農喜歲成方同閭里歡佇詠一開情

南庄觀耕田

榮名非素望守拙居東皋所依在稼穡為獲良已饒農
人告及辰相敦樹新苗汗泥畜新水深根發踈條青
裊露餘鬱_七隨風飄婦子俱在野盤飧屢招邀日夕慰
勤劬傾壺具香醪即事誠可喜于焉獨閑謠緬懷沮溺
耦聲名亦寥_七孔席不暇暖問津誠已勞

晚涼放舟

徂暑驚節謝幽煩倦日永翫舟乘夕涼沿渚入煙境靄
靄殘陽飛沉_七綠陰靜蒼茫水容寂照見歸禽影開襟
招遠風延目認遐嶺偶遊非素期炎氛聊暫屏守拙寡

世用尋幽得澄景清賞猶未愜孤舟當重整

雨餘聞蟬

村園夏雨歇衆綠陰已成高齋掩畫寂新蟬今始鳴嘈
嘈斷更續嗟々遠還輕響悲逐涼吹歡謝引離情屬耳
念已集感物襟易盈煩聒方自此稍待秋林清

夏日北窓獨酌

仲夏遘時雨嘉木含餘清北窓偶閑坐臨觴聊自傾數
酌忽已醉酣歌漫成聲緬懷劉阮徒邈焉起深情百年
亦何為忽如流電驚如何世間人汲々狗虛名落々何
為者且對芳樽盈

寢齋喜雨

雨亦宜

盛夏久無雨新秋雨亦佳涼颺起西北甘澤頃更來淒淒逐油雲密々無殷雷絺衣已傷薄桃笙卷難開倏忽變氣候炎氛安在哉田父扣我門良苗天所培預卜豐年慶開觴散幽懷遙想楚王夢蕭颯巫山臺

立秋言懷

閑居迷時節颯然驚早秋梧葉下中庭火星向西流
寥天界潤蕭々林逕幽感此連中懷歲月忽已週素髮
早垂領前途行未休賴此一觴酒且復慰淹留天運固
有常厲志當自脩先師有遺訓任重道且悠俛焉不知
老吾何苦多憂

秋懷二首

我家住南山遂絕咸陽道寵祿詐足言一身當自保况
值三秋時嚴霜悴百草中心常馳憂鬢髮易成皓惜無
雲螭駕騰化愧不早累七北却塚誰能得終少

開秋多涼氣時物忽已移蟋蟀鳴空庭悲蟬號故枝綠
樹變紅葉悽愴令人悲如何行路子式微忘歸期辛苦
求名譽定與黃鵠隨不學首陽士守義寧樂飢

曉起聞雨

新秋多佳雨霽然散清朝幽人寐方起披衣更蕭條靡
靡東郊翳渺々南山遥曙雲隱晴旭庭樹起涼飈煩衿
值時散道心隨景超感此禾稼長沉憂當自消

始聞早砧

寂之秋景晏蕭蕭涼吹生閨人感寒至一軫遠人情
嘹亮清砧動紆徐搗杵鳴微茫帶烟遠蕭疎出林輕此時
離居客單眠夢亦驚披衣一惆悵斜月滿山城

詠秋荷

杪秋霜露重弱質感涼頻衰遲含夕氣牢落凌蕭晨衰
紅已散雨餘香尚近人翻思盛夏節玩舟涉廣津摘花
贈遊女採綠宴佳賓秋風不少佇感此盡漂淪人道每
如此誰知衰盛因

秋陰遠望

重陰生夕霏陰靄紛如霧乍睹餘霞景已失前山屢氛
氳迷去鳥杳眇沉踈樹望遠一凄然徘徊獨歸路

秋雨嘆

乾坤積風雨沉淫連夏秋川漲浸百穀行恐交平疇舊
穀已無儲新穀猶未收苦愁禾生耳淋漓未能休更聞
踏車人疲餒力不周斗米豈易糴家貧乏衾裯安得誅
雨師浴日東海頭吾哀斯民艱豈為稻梁謀

積雨始霽

時雨固可喜雨多反成憂今晨幸褰霽淋漓始云休朝
陽明甕牖景物漸和柔杖藜眺東郊散步欣自由仰觀
天氣佳俯覽園芳稠兀々隴上麥隱々天際舟谷鳥聲
尚溢庭草色已幽田父有歡顏負耒赴西疇耕種後此
始各有衣食謀但願天子聖雨暘應所求使彼畎畝

民歲得_レ有秋

初晴登望

茲晨氣候佳
滄霖始云歇
舉目眺西岑
青翠連城闕
卉木藹陽和
朝霞互興沒
野杏花新試
谷鶯聲乍發
岩壑晴色斂
雲烟夕霏豁
遇物感時芳
馳思生超忽
心勝景無厭
理存情自達
延詠賦新篇
聊當慰寂寞

中秋夜玩月懷王高徐諸友

陰霽夜來歇
華月湛高秋
遙思去年會
方塘泛蘭舟
良儔幸無恙
歲辰忽已周
携手倚懸檻
蕭散釋群憂
桂輪今正滿
澄規含素流
嬋娟映華觴
何事秉燭遊
佳會苦難常
清輝愴易收
幸此一酌歡
達曙共淹留

月夜舟行入金山

在吳中

夙志羨山水塵縈久未遑名峰久在望茲辰一來翔揚
舩入南渚夕氣條蒼上紆直水無極沿洄路更長皓月
懸高天廣川散飛霜夜寒人語清烟扉繞迴塘歸樵遙
谷響驚鳥動林光愛此塵境遠敢畏露霑裳

飲酒桂花下

端居無所娛賞心寓草木亭岩中桂開花慰幽獨對
月延清芬憑風遞輕馥千林向搖落對此聊自足攀條
懷舊隱玩芳尋徃躅一采黃金花泛此芳樽醪

秋日過許氏園林

清晨理櫂罷一造幽人宅秋園花意謝池靜啼禽寂觀

妙愛澄境栖閑絕塵役負策獨歸時前山淡將夕

田園秋日

靡_上新秋日零_上霜露交貧居從稼穡生事在東臯秋
成今可望四體豈辭勞植耒茅簷下斗酒聊且陶反思
去秋日中田泛洪濤含飢待來稔逋負不能逃幸此農
工畢一飽諒非遙多憂非吾事且復慰今朝

秋日茗溪道中

深秋群物肅灑氣明朝陽方舟蕩清溪良游閱景光踈
林綴餘綠菰蒲搖晚芳鳴鴻去杳_上遙嶺翳蒼_上閑行
無物役沿洄自徜徉寂寞欣有得留連豈為荒一理滄
浪調知音非所望

立秋日早汎舟入郭

連霖戍秋期金氣晨已屯溪雲合餘陰水霞相照耀登
艦泛涼颿乘流駕奔峭迴波蕩塵襟青山列遠眺蒲葢
迷森沉菱荷爭官窳沙明衆女浣潭淨孤禽嘯端居積
百憂暫出窺衆妙好爵豈不懷衛士乃其要寄謝滄海
人予亦堪同調

雨中偶成

空齋自瀟洒况復值秋初焚香對微雨如在古僧居庭
寒夕鳥下烟澹暝松疎知君寫詩處高情方似予

秋雨登戴山

積雨限遊步超然懷遠觀雖微千仞岡孤岑且流玩翼

展東山望一寫川上歎如何方此時氛霧鬱未散玄陰
蔽白日八表同滂沱郊原近莫覲安能披雲漢耳目既
罕適沈憂將何緩感茲一以悟滯境中自亂內照苟昭
曠通蔽非所問由來君子道尸居或龍見伏雌乃默化
何必扶搖翰去矣齊物變卑栖永遺患

戴山石上聽松

溷耳俗諠久茲晨一清聽長松遶鮮飈哀壑互相應奔
騰駭濤瀨窈眇韵笙磬至音不假器始覺自然勝綠觸
故成聲動極還歸靜此時憇石坐默然待其定乃知棄
瓢者未悟聞中性

大雨山中作

重陰翳秋節霖潦無時作
伏雷震浩洪湍落浮槎
懸脩磴湧泉掩高閣
禾黍蕩縱橫良疇殫為整
頽梁斷來往垣間增蕭索
塊坐空堂上展卷莫為樂
雖微農夫憂內顧無儋石
先民有遺言君子貴處約
抱關非吾事嗟來非吾食
去去遵時命南山有藜藿

答黃孝廉雨中見寄

飛雨洒幽閣庭溜夕已深
涼飈驚幽幌秋氣薄
單衾暝壑無霽色寒蛩多
苦吟室家曠脩者朋知阻
遙林離群易成各
獨處難為心賴此几上書
時能祛煩襟念予懷
竄憂豐蔀方滯淫
遺我愁霖唱要我西山
岑山岑未遂陟
旨酒思共斟
母憚沾衣苦傾耳
遲楚音

夜坐

閑門催閉早日落古垣深移床傍秋草對月聞高砧角
中清露氣華觴澹夕陰毋言恐遙夜幽獨故予心

曉起

新寒人獨臥寢扉風自開向無羈旅念秋思亦佳哉曙
禽翻暗竹白露瀉青苔欲賦幽居意對景每難裁

秋郊行玩

新秋景物嘉樹綠晝亦凝微雨夜未歇朗然天宇清幽
蛩倏知候籬葦花間鳴邊鴻未通信叢桂已含英恰因
文墨暇一遠林間行幽棲寡塵慮散步寫中情消遙玩
澄景烏知有世榮

潭上偶詠

回澗曲如月冷然綠樹根雲山自幽寂水石共成喧靜
觀因悟性耽聽欲忘言何由駐塵鞅迢遞一尋源

菊窻

種菊南窻下草盛菊苗稀常恐隨蕭艾芬芳永無期四
運相推迫嚴霜百卉腓依、三徑中亭、見高姿微芳
從地起朝露濯其枝銜觴泛九華歡言賦新詩因之感
中懷物理貴及時願當盛夏月那復知有茲衰榮更代
謝天道不吾欺且當委窮達一醉不復疑

望西山懷子文

竹色悅朝雨鳥鳴入正閭挂頰信手板遙詠西樓山企

彼巢居士高眠石林間團、青桂樹歲晏待予攀

寄中竺泐季潭

師從鍾山來遺我故人書一入白雲去相思秋雨餘徒
慙塵土迹來擬竹林居遙想中峰月清梵滿室虛

雪中待金孝元不至

館宿滯窮陰飛雪何綿綿忽感平生友音容間山川仰
嘆飛絮詠復誦瑤華篇良知不在宴尊酒徒盈前想當
高齋夜獨擁竹壚眠願展耒覲念無待月仍圓

雪後

夕霽衆禽懼殘陽照山雪徒令掃幽逕依然人跡絕綠
尊時自命寶書誰共閱默々待歸期故園寧久別

秋曉過漾田庄觀刈穫

移舟過別墅屣步入平田
秋風熟禾黍油_匕被高阡三
時良已勤收穫一欣然力田古所尚躬耕豈非賢不見
沮溺耦千載尚相傳

西齋冬曉

沉_匕鐘漏斷皎_匕窓牖白幽人披衣起坐攬雲霞色况
此文墨地天寒更幽寂臨池盥濯罷淡蕩諸塵息旭日
上高垣群書爛盈席節謝景潛移居安情自適悠_匕天
壤間獨喜無物役

送楊儀曹赴京

孟載

會計屈長才善更乃茲辰馳車赴京國遠送臨通津列

筵俯長郊飲餞感秋晨
須臾別親愛迢遞冒風塵
道路良已悠誰念行子貧
昨遊今已往後會難豫陳
且莫倦行役 聖朝方用人
佇當綰華綬遠報慰惰勤

舟過太湖

具區涵空濶一葦凌風度
烟花亂晴天浪色生寒霧
遙山含碧氛青蒲冒孤渚
解帶俯清流開襟散塵慮
乍聞商婦歌或見漁航聚
微茫姑蘇城綠葉洞庭樹
緬思底定功䟽鑿有遺處
懷安諒非賢臨深豈無懼
且當趣歸楫沿洄難可住

吳興山水雜詠

弁山

吳興富山水弁爲衆峰尊岩堯厭南嶺杳眇連北門岩
岫互奇絕谿壑欲崩奔上有千丈瀑飛流駭心魂下有
萬頃湖波濤蕩其根絕實類鑿成蒼石疑虎蹲神龍下
洲潛幽怪不可論捫蘿上絕頂一覽周平原林深自多
風猿鳥暮喧繁陟險尋靈藥登高問真源聞有避秦人
遺跡今尚存我欲探其穴筋力難攀援風抱栖隱志素
心懷華崑終當結茅屋來繼綺與園

震澤

具區維南澤洪瀦莫吳會弁包潢汙聚涵育魚龍大崩
浪撼坤樞水氣積陰晦蒼茫神靈遇極目光烟碎中有
兩洞庭秀色迥相對峭立根虛無接影浸淡瀨飛鳥去

何窮長垣亘天外風波多險阻舟楫易傾壞緬思懷襄
初洪濤渺無界賴茲神禹功底定永無害吳越何區
向北角成敗賢哉鴻夷翁臨風發長慨

道場山

出郭展清眺超然釋塵憂揚臚泛澄陂曠野延真搜水
窮始登陸山遠路更幽石林路轍跡千盤到峯頭林深
鳥雀聚飛泉各爭流憑高縱遐覽下瞰城南樓漠江
湖遠蒼々雲霧浮上有古浮屠建未幾春秋自經劫火
餘僧散不復留年來象教興廊殿稍增脩愚氓冀福田
割施如山丘我將祛所惑戶說力不周臨風一惆悵日
莫行歸休

茗雪溪

魏上天目峯高大壓南紀崩泉初濫觴奔放成茲水分
流爲茗雪匯此古城裏滔上逝不停脉上來難止極目
更清寒漪上澄遙滓朝來春雨漲涵湧蛟龍喜舟檣紛
來往萬斛等一蒂翻上輕鷗逝裊上漁歌起我欲把釣
竿來問玄真子

碧浪湖

整棹出崇墉平郊眺清迥山表四圍明湖明落天鏡蒼
茫沙鳥逝蕩漾漁舟競洲渚莽迴復蒲荷交隱映中有
浮玉山坡陀泛清瑩已無蛟鯨患自悅魚鳥性芳春士
女繁落日簫鼓盛蓮棹曉同遊蘭舟晚相並何慚稽山

秀未數鑑湖淨願蒙一曲賜將老愜幽興

魯公祠

聞昔天寶時搆禍始胡羯大駕方蒙塵妖氣暗金闕逆
虜肆長驅州縣皆瓦裂君能嬰其鋒正氣不可奪弟兄
叔散卒義師同時發賊勢苦牽制遂成中興烈投老陷
姦臣萬死能一決元龜乃自棄朝野氣騷屑茲郡昔來
守千載有遺轍登堂拜君像瞻望仰竒節英靈共血食
終古豈磨滅

徐孺子廟

晴明出遊覽南山一登歷上有高士廟淒涼倚空碧敗
爐篆烟斷瓦燈照空壁殘僧散已久客至空嘆息憶昔

漢祚衰朝野方奔迫遂辭東湖墅艤棹此山側高名懸
日月千古留遺跡洪州有高亭吳楚千里隔側身西南
望悲風起悽惻

何楷讀書堂

整棹泛澄明春物暢我懷前登何山嶺短策窮縈迴晉
代有高人結屋臨澗隈至今讀書地石磴不生苔幽踪
去已久遺構安在哉山僧依勝跡下結蓮花臺亂來各
飄蕩龍象亦傾頽乃知興壞理道俗俱可哀清風動岩
壑松聲四山來只疑斯人存遺韻尚徘徊我欲招其魂
舉目但蒿萊臨觴聊一酌惆悵愧高才

碧瀾堂

藹々層城陰瀾々溪流漫問誰所構堂軒窓傍高岸會
云唐刺史文采當時冠華筵勢獨高賓佐俱才彥吹簫
橫落日盡鷁如雲散健兒簸旌旗水戰逞竒玩臨流賦
新詩意氣共稱歎烽火幾荒殘城郭多遷換歌聲久矣
滅御亭鎖溪畔臺傾鳥雀下闌壞鳧鷖亂惟餘南山青
依然眼中見

升山

升山橫道傍秀色佳有餘雖微千仞岡層巒自縈迂右
軍晉高士曾此眺郊墟苔運存遺跡千載沒荒蕪想當
登臨日俯仰凌八區放浪形骸外游目多所娛惜無登
高作儷彼蘭亭書我思見其人臨風一躊躇

戴山

譙國有高士寄志在絲琴一聞王門召破琴絕其音傳
昔居斯山井竈邈難尋至今草木間清風肅塵襟余家
依古跡結屋當東林擇里得所安懷賢思難任浮屠巧
眩世廟廊冠其岑臺殿紛青紅僅足共登臨誰能構茅
宇蘋藻薦所欽相望孺子祠千古同此心

白蘋洲

層城鬱迢々長溪貫雙流喧然闐闐中乃有白蘋洲茲
晨策杖徃秀色散我憂宵眇蛟龍窟澄明鷗鷺秋開
照白日接葉暗漁舟涼風起其末客衣薄颼颼我欲携
童稚具此雙釣釣高歌綠水曲散髮洲上頭安能隨世

人負我平生遊

曹孝子祠

前登獵場西遺廟當路傍長揖問故老云是古曹皇挺
身代父刑斧鑕甘自當至今百世下血食庇一方世降
德日衰父子如參商原隰不見收溝壑等尋常安得見
斯人與世扶三綱迴車薦蘋藻涕下沾衣裳

下菰城

迨七下菰城乃在衡山址卜築自何人云是楚公子連
峯負崇墉重闈抱溪水得非蒸土成詎乃久不圯衢路
化為田睥睨猶可指牛羊恣美牧狐兔穴不起想當豪
貴時賓客盛莫比高門遊俠窟諸侯交贄禮劍佩紛相

摩羅香曳珠履榮華不可常零落今如此豈徒雍門琴
獨下田文淚

峴山

蒼山走南門雉堞隱相並明湖渺東匯亂石皆北向勢
如渴虹奔飲首臨巨漲孤亭壓其顛窪石類盆盎十手
可對飲斧鑿自天匠平生愛山水脫身事幽訪落帆絕
壁下登探俯清曠冥_上沙鳥逝泛_上漁舟漾崩崖露黃
腸云是古人葬我聞襄陽山茲名乃相况羊公仁足懷
杜子功可尚當時一躋攀山勢益增壯愧我非古人登
茲獨惆悵且當隨鷗鷺散髮凌浩蕩長嘯天地間身名
兩俱妄

並音傍与忘皆
去声

蘇灣

群山抱高城，明湖湛清秋。迴岸曲如月，橋橫雲木幽。聞

昔長帽翁

東坡也

曾來守茲州。時清吏事簡，公暇輒出遊。

揚舲度南閔，振衣臨清流。濟文翰侶臨觴，更獻酬賦

詩。屬篇章自是謫仙儔，斯人沒已久，遺跡幸未休。至今

此處地名為蘇灣頭。先生天下士，直氣如雲浮。如何群

小人戚，方見讎玉堂。非吾榮僂耳，非吾憂肯將。百鍊

鋼化作繞指柔，我來吊其魂。塞芳向長洲，舉觴酌明月。

日莫風颼颼。

陳武帝宅遺址

霸先亦人傑，出自太丘陳。洗馬初南遷，卜宅若溪津。山

川鍾竒秀末運生異人出當梁祚衰殷憂致經綸拯溺
濟橫流受禪主生民化家乃為國霸業誰與倫我来吊
遺址四望靜無隣孤兔竄古瓦寒烟暮氛氲哀泉瀉幽
壑鬼火明荆榛感此興廢理乘時各有因憂來藉芳草
嘆息淚盈巾

郭璞祠

桓口吳興城孰初相其宜連山如崇墉二水從中馳乃
於蛟龍宅奠此民人基定鼎非有道孰能固郊圻昔云
郭叅軍青囊挾幽竒徘徊瞻風氣卜吉實在茲功德被
生民祭法古不遺遂令千載下血食無窮期撒豆或成
兵義方良已虧所以日中壽不能免其危明智不保身

歎息宋元龜悲哉古祠下激冽生寒颼

次韻徐幼文喜予見過之作

欲聽瑤華言一洗塵慮心會文以輔德聖訓昭古今緣
之不憚遐擎舟事幽尋谷風扇春融紅芳滿高林黃鳥
求友生嚶嚶多好音擗手罄交歡清醕藉留斟忘情即
忘形猶鼓無絃琴腹荊脫未薙呈雪徒為吟箴規慎乃
終三益良可任

閑齋獨夜

藹上山景夕閑齋淡幽素高人寂未寢坐聞清漏度良
宵殊未央華月出深樹虛窓響暗接微風吹白露感物
悟清景臨風暢神慮幽獨堪自怡何用人來顧

奉會吹臺先生送蜀山人見簡之作

若人辭天階消搖寒江汜言送將歸人復念林中士殷
勤吐芳藻綢繆寓深旨文虹被林薄簡珠照泥滓子畏
伐擅刺予懷白駒羨道同無殊轍神交有妙理索居序
已積孤遊情難委寫心酬妍唱怛然慙下里

懷方負外以常

丹霞散淪陰皓月出東山驚飈鳴高樹飛鳥繞林間攬
衣起徘徊白露浩已團豈無一尊酒慰此中夜寒良朋
邈已遠獨酌那成懽薰蕕不可知膠漆不可解自非同
心交誰能久不改

槎史赴臺

高臺闢江山梯航輳城闌佳麗煥夙昔而獨慄我顏遊
者固云樂子去不復還平生五千卷寧救此日艱天網
詐恢、康莊徧榛菅所恃莫可滅才名穹壤間

題陳長司畫

是其臨難時作

若人悟縣解委蛇順天刑慷慨赴東市一日為千齡李
公悲上蔡陸子喟華亭識機若不豫達生良可經朱絃
亦易絕尺景不可停送容洒芳翰炳煥若丹青好藝永
傳世精魄長歸冥披圖懷平素涕淚綠襟零

無寐時聞吹臺故

戚、多憂思悠、悲夜長攝衣坐窗間仰睇明月光明
月有盈虧軼度豈無常南箕与北斗萬古不更張人事

有大謬天道信茫

聽香亭

粲、歲寒花幽香靜中起人皆待三嗅予獨愛以耳揖
彼瓊瑤向長謠自為喜聲中豈無香聞覺無異理更顧
息聲間色香同一委無聞亦無聽冥然渾沌始

張節婦

行者不復歸處者長相思昔與君別者乃為大暮期杲
杲白日光其雨在何時惟有明、月可以比容輝免絲
附女蘿窈窕不相離青、忽已槁纖、難自持他山豈
無木林木豈無枝念彼綢繆好甘隨秋草萎感茲以終
老髮髮已如絲耿、栢舟誓千載同所歸

清晏堂

予扁所寓山堂為清晏蓋摘右軍帖中語也蜀山隱
君為書三大字刻著楹間林壑增勝目而成詠

少年未識事冠帶遂時流一悟名為妄悠然返林丘假
此精舍居蕭條岩徑幽竹樹共清密川澗屢環周高峰
延新旭華棟鳴晨鳩晞髮東軒下群書散不收嘉名余
始製妙翰若雲浮况有同心交觴咏接綢繆始來適朱
夏今已踰素秋謬處山水宅慙非仁智傳耽翫味出處
栖泊愧淹留誠知非吾廬且得性所求

畫為步羽士題

吾愛陶弘景開窗玩白雲白雲自舒卷青山無垢氛清

耳延松籟齋心閱瓊文問道虛皇老結客古茅君靈藥
青童種名香桂女焚萬乘遙致敬三天久離群丹成上
鶴去棄俗等帑紛斯人不可見斯世亦徒聞我獨懷仙
契千載仰清芬

過雲岩

逶迤度前峰到寺行屢歇齋庖竹外煙汲踞松間雪觀
水悟真源聞香解禪悅欲共老僧言相對還無說

迂居懷沈都事

歲晏共依仁孤舟泊烟麓以君吏隱地息我靜者躅家
貧乞假多情狎兒童熟留滯連冬春繞庭芳草綠開尊
對踈雨懸燈照深竹誰知今夜別獨掩高樓宿

登銅塢後岩 在吳邑

牽蘿陟雲崦 憩此盤陀石 欲去更題名 淋漓薜花碧 定有樵夫來 恠是龍蛇跡

寄題北山堂

雨罷寺樓曉 曲堂秋樹間 暫輟今朝講 一玩北湖山 仰瞻上方雲 遙見林屋關 飛湍盡日雨 流禽先暮還 即境知妄迹 觀空怕妙顏 予乏道門舊 阻陪高坐閑 馳咏終非似 當冀一追攀

於書簾中得高吹臺所寄詩遺藁

拂塵感弊篋 忽攪故人詩 撫迹疑若存 驚逝杳難追 憶昔吳苑遊 文采眾所推 名談析妙理 華襟吐芳詞 予時

僑城北高齋臨清池焚蘭延佳月對酒彈清絲誰云茲
夕歡乃為千載期冥漠遊魂遠淒涼親翰遺墨塵尚流
馥紙弊猶含滋玩此塗洒澤想君哦詠時華章未及報
厚意良已虧叔竟一長慟林風響餘悲想當寫寄日茲
感君詎知

娟淨軒

綠竹有異質夙著風人篇猗猗瞻淇隈籊籊懷衛泉拾
遺美形容復有娟淨言微植被獎飾麗句永流傳若人
同所尚掇辭以名軒攢玉矗森爽編翠鬱芊綿鮮標貫
寒日密葉冒清漣遙想佳雨餘靜對罷鳴絃濡翰傳霜
節搦管題春妍聊探詞詠妙默寄圖繪宣逝將汎濤江

息駕依名園攀枝掃涼月
憩蔭濯寒煙雖微求羊高請
附嵇阮賔緘詩慰所愛纏繫日為年

倪雲林畫

南枝有高士乃在延陵東
清時不肯仕城跡雲林中
拂石坐蘿月弦琴寫松風
焚香誦黃庭望雲送歸鴻
門車常自滿尊酒無時空
乘興畫滄洲古人未為工
干戈攘末路白首隨飛蓬
名山乖始願羈遊無所終
賴有車武子能哀阮藉窮傾
壺醉陶令辟堂延蓋公
流俗輕高賤貧賤困豪雄
孤鳳混雞群野鶴摧樊籠
豈乏梁伯鸞不聞皋伯通
吾將傳遺逸清芬千載同

懷景佐師

旅宿厭煩喧愛此僧居靜蓮宇已摧頽茅齋自清迥山
光林際來野色雨中淨沁水不生澗絮淡坐相映累日
滯幽尋綠苔應滿庭

寄杰上人

相望東西陌共掩林中扉誰言儒道異妙善理同歸昨
款精舍游步經園徑微高垣夏木遶綠陰生晝扉振錫
還山去空壁掛禪衣何意幽棲侶佳會亦相違離合兩
俱妄去來寧有依究空自足遣了此人我機

沈集自錢唐歸以此示之

錢唐昔所游形跡此邦最尚想鳳凰山飛翔落天外胸
吞滄溟寬江水渺如帶海門豈天設屹立兩扉對沙潮

類巨妄朝暮屢進退群峰抱明湖浸滂百泉會不意玉
女盆居然墮闌闌崔嵬白塔寺零落南宋內荒階與斷
礎龍鳳紛破碎昔聞亳社屋厭鎮似可恠豈徒鞭荆尸
戮辱極狼狽僧胡固可醢國相豈無罪雷師秉靈災焚
蕩意頗快至今遺民過涕泣行且拜適遊何草、吊古
湏我輩落日望東南臨風發長嘅

寄吳隱君

隱翁蘊真趣飄、懷古仙振衣入遠岳順風祈一言寂
歷微妙韻精明天老篇清齋扣玉齒焚香禮岐軒九喚
華池液七返流珠丹頤性得天和齊物同化元玉芝非
吾茹聊以蘇世瘵神期苟冥會飛步升九天抗迹遊滄

丘麾手招倜佻下視倉扁流永為塵因牽

贈吳道士秋雲

飄飄三素雲
儻人秀玉標
清明合九炁
高游冠神霄
凝化淪無迹
廓落乘素飈
停陰布甘澍
灌溉榮茂苗
冥真無去留
靈根永不凋
真人保黃寧
精鍊玉濁消
控駕浮玉洞
飛裾歛烟飄
子英迴黃旂
司命讚洞謠
澹遊何方所
享此年劫遙

舟中

朝發戴山岑
夕逗金溪瀆
雲天方慘栗
川途屢迴復
飄颻岸疑轉
棹奔山似逐
鷗鳥隨波汎
霜澌孕苔綠
依然浣女影
爛熳榜人曲
采奇忘來久
耽勝成往速
悅生良

可懷徇名非所欲請試孺子歌去矣從我獨

玄覽室

疊々游氣運森々萬有羅宵然玄中求理一非有他存
心冥靈府洗胎濯百邪衆妙體常寂豈知形迹多譬彼
明月輪總攬諸山河團々霄中微默々至幽遐又如大
淵海潛凝韜衆波中有運寸珠炯々曜玉葩間黑歸明
月應感無偏頗高觀衆彙表不樂將如何

送許尊師還大滌洞

青山九瓊慶白髮一龕居清齋誦黃老不閱世間書
霞養真氣對月禮空虛暫來流水地應與孤雲踈遙知
還山日仙壇春草餘

贈醫士劉子中

伯休無二價長房惟一壺真隱不在山何必去京都通
籍遊金閨觀化眺神區寧羅米石肉潛波攬江珠焚香
降天老稽首黃農書製之軒光電湛然履穢除金精就
日養輔世事其餘超延龜鶴齡高時凌乘榆哀我倉扁
徒忘己要名譽當年不自保千載聞醫如

由竹溪至梅谿書贈莫雲樵

出門懷清曠入舟苦炎熾皇天從人欲飛雨颯然至風
吹波上寒淒其感秋氣暝投山僧眠復得清淨地舟人
候明發徒侶不得遲沂流多枉渚篙楫頗告瘁雖微三
巴險事與五盤異聞昔天目頂靈物久潛闕一朝赴大

青居集一
三三
整怒折崖谷碎回頭顧其兒首尾屢相值至今此溪水
斗折七十二世遠衆喧傳茫昧竟誰識但欣秋濤壯水
物俱得志我何憚行役沁洄領佳致鷗鳧泛澹濫蒲柳
蔚蒼翠人烟亂餘集茅屋若若置之子住河滌相望勞
夢寐每怨川無梁握手今可改憶昨訪我初茅齋夜深
閉扣門滿水雪僵立不得跪移灯具雞黍濁酒寒不醉
同來鄭廣文清瘦凜欲睡絕勝王猷藟返棹何太易茲
行冒暑雨古禮尚報施逝將機輕橈待子思共濟散髮
乘長流垂竿釣清泚虛舟縱超越萬里誰能繫恐此未
易期臨川一長喟

扇上墨萱

團扇復團扇團團三秋月上有宜男草可翫不可折宜
男何足貴能令憂作悅憂思既可忘為君忘炎熱無障
西風塵汗此皎如雪

題采苓子卷

春山靄衆綠靈苗何處尋孤芳不自掩迤邐入幽襟
寥條繁露散濯根寒澗深持此當朝茹清齋延道心

寄金許二高隱

輕離始颺幕新篁稍翳隣非關杜來迹蒼徑自無塵
獨以靜為賞彌懷心所親倘畢東臬務一來存故人

獨夜聞雪

未知雪意就向夕足寒雲茅齋夜自掩孤枕夢回聞暗

飛方瑟、誰起看絃、却憶梁園客既醉復能文

山中答武康徐高士寄書

久別得君書開緘散吾慮不寄山僧來何由知我處
剪紙卷君書還寄山僧去為問片雲間何時一相遇

暮歸聞許文學枉顧

留連東齋飲迢遞獨歸遲忽逢山僮話知在故人期
月華向上動禽響竹間移不遇君閒咏悠々清夜思

舟中望佛燈院懷南澗

蕩舟西陂上望山懷遠公遙知覆衲卧雪屋一燈紅
事殊迹暫曠神交理自通維當待歲杪期子白雲中

寓徐給事中舊宅觀所植竹樹有懷

君為金門彥我向故山來
芳樹遠庭綠猶是去時栽
履閣銷餘馥賓位滿青苔
孤賞誰為樂園花空自開

擬過園隱阻雨

在遠每傷離在近還成隔
飛雨渺何窮佳期悵難得
入寒市井空天晚江潮白
知君掩閣卧終朝遲來客

石門道中

依微鳥外村淩迤烟中驛
帆重因沾雨柁轉時驚石
遙岑樹共青淺浪鷗同白
離索詎須愁來往誰非客

續懷友五首并序

予在吳城園中作懷友詩廿三首其後題識四人迺
嘉陵楊孟載介休王止仲渤海高季迪郟郡徐幼文

也時予與諸君及永嘉余唐卿者游皆落魄不任事
故得流連詩酒間若不知有風塵之警者及兵後予
移寓武林向所懷者往往不相見而五君者或謫或
隱又各睽異嘆離合之靡常感游從之難得也故云
幽居古垣下共彼嘉樹陰里隣豈無好念子是同心芳
英帶露折清尊向月斟欲往尋遺躅荒園春草深

右余左司

藩翰屈長才蹉跎事文筆賓筵罷醱醲容臺淹下秩高
門去復醉孤帆望中疾少別歲已華思君無終日

右揚典簿

衡廬古巷中高駕日相頤芳草掩空扉知君斷幽步殘

相北寺鐘暮雨西閭樹携賞邈難期
庶望遺緘素

右王逸人

予既遷山郡子亦返郊園兩地花俱發
離愁春共繁已罷臨池賞仍睽傾座言
後來作者意寂寞向誰論

右高徵君

常懷稚子悲復洒佳入泣草、從軍旅
悠、去鄉邑芳郊連騎行相郭同舟入
當時苟不樂追懽何由及

右徐軍容

送方負外力疾歸吳興

終年不出戶出戶即相違疾病欣在
告田園應暫歸天寒孤舟發歲莫行人
稀棹師遵舊路田翁識故衣望閭

桑梓在入里人民非傷哉展丘墓遽爾辭荆扉居鄉如
遇客回首情依依晴春入舊牖積雪含清暉佳期遲子
還勿愛故山薇

答方以常見寄

余方臥閑館子亦辭公門念惟名跡同中有素心存昨
暮枉高駕飄颻寒雨餘觴酌未云洽烟郭遽成昏乖曠
稍經宿已復長憂煩晨興來芳翰知子憩幽園庭陰綠
始遍時夏鳥無喧感物心獨悟思與靜者論披詞想清
景欲往阻脩轅申章酬佳貺寂寞已忘言

奮余天章詠懷

良辰誰不樂游子獨慨慷慨慷亦何為感物懷故鄉故

鄉亂庶已欲往川無梁安得凌風翼泝彼西南翔出門
遇行客言曾歷我疆官室盡為墟城郭後悲涼訪予平
生親白骨委榛荒君子志四海小人懷一方勲名愧遠
圖豈必梓與桑游子不能吞涕下沾衣裳葉落糞本根
狐死首山岡所生良可樂貧賤乃其常

送莫蕭入郭知還谿居

舉世皆知醉何人獨愛才余雖識君者相對亦徒哉落
日收書卷涼風送酒杯紛紛俗中悶空谷遲重來
蟬鳴山郭晏一棹出烟扉涼風將皓月迢遞送君歸自
識門前樹遙聞窓下機應歎緇塵滿臨流一澣衣

讀書圖

幽棲出塵表，脩翠連松竹。袖得碧苔篇，閑來石上讀。日
暝欲忘還，山空人轉獨。

山居寄止仲

旅寓難自選，幸此竹林栖。石甍饒古色，山禽多夜啼。遺
形暫尔遣，望道曾欽迷。儻、將誰語申章，默自題。

賦麴院風荷贈別

露葉颺漣漪，風涼水院時。翠輕愁欲斷，珠圓不自持。低
昂隨妓蓋，翩翩卷釣絲。盤折驚魚逝，規蕩宿禽疑。為語
蓮舟女，聊將贈別離。

和荅童中州掌教

皇情眷樂育，達官宗聖黌。秩微道則重，人欽化乃行。若

人婺女秀經義宿所精辭婦更楚服持版赴雪城鄭公
論墨守董子著馬庭樞趨仰賈範園橋聆德聲走也跋
望久覲止願未并誰謂在類初遽申伐木情偕彼二三
子乘流過柴荆傾蓋畧宿昧盍簪慰中誠草具豈為禮
所欣接老滌恭承宴集藹華采粲若英盛德多自負惟
能下後生問年子先施仰高余愧盈憶昔避事來久矣
廢將迎豈不懷旦暮緬然限音形神交跡靡間心照欲
自輕斯章擬成報七襄徒致名

蓼莪堂

種莪圖可茹養兒欲奉老莪生化為蒿兒大不相保憶
昔兒初生長育恐不蚤兒美未及嘗親骨已枯槁譬彼

種我人愛此顏色好豈不勤灌溉來擷思一飽寧知不
入口埋沒同秋草詩人感茲義哀、向穹昊堂中有孤
兒千載共憂抱我願天下人有食奉翁媪為我不為蒿
庶免有遺悞

岳鄂王墓

中原千里志西湖四尺墳長城忍自壞神器憑誰分流
血應為碧澗背謾成文覆巢無全卵讒鋒射元勳英魄
孰相友濤江有伍君

經德壽宮遺址

廢苑民侵久故跡理當微鳳礎埋將隱駕无隆應飛厚
池逢折珮薙草得遺璣西陵亦如此神遊何處歸

望故人不至

登樓一悄望山川浩縱橫故人期不至迢遞獨馳情
遙見東西陌不聞車馬聲豈應厭煩暑憚此辛苦行
高齋掩閣坐玄蟬永日鳴獨對樽中物幽懷鬱難平

送人之官河南

驅馬赴河洛致身及休明軒蓋滿衢路送君出南京
符竹懸華綬君恩匪為輕行當樹勳業永為閭里榮
睽茲雄藩地山川冠列城周鼎誰復問殷墟今已平
幸因政事暇一詢遺老情時據吊古詠遠寄余當賡

贈製筆人

端居好文墨高齋清夏時良工有妙製絨封遠見遺
織

毫發香墨玉管淡含滋明窓綠陰淨試用寫新詩文飾
雜衆品無如茲製竒如椽歸大手生花勞夢思憐余俗
書拙徒愧右軍池

晚過費山人園居

畏景惜高駕端居抱煩憂今晨微雨餘為此隣曲遊一
造幽人居蕭然知早秋脩竹蒨西墅早稼盈南疇坐對
故人奕復茲庭樹幽開園採夏果進客慰淹留雖乏盃
中物茶瓜當獻酬積喧欣物曠耽賞覺景流共是樓閣
客來去復何求

雲山圖

山氣寂已晦川寒斂如夕沉_レ綠樹多隱_レ千峯出碧

嶺藹煙華寒泉散石脉高閣出林端古迳稀人迹玩圖
心已澄對景情還適感彼岩棲人終朝自幽寂

舟過西余漾

扁舟泛長溪遙川曠清曙微雨夜來晴千山亂秋樹田
舍藹孤烟菰蒲隱洲嶼紫紆水流澤綿延稼盈野賞心
與誰同時物欣相遇且復駐歸程悠然散幽慮

聞徐使君左降懷慶太守因寄

憶昔同草澤君獨赴京師遙思此特別顏面久乖違左
遷仍剖竹品秩未為微一點故無愠忠勤當庶幾但念
親愛情音容邈難希守郡有餘暇草章當見遺明時重
英彥行當覲丹闈塵垢何足累拂拭還光輝

雨中懷黃逸人

閑居指俗侶風雨送秋節忽念林棲人如何久相別坐
閣詠新詩步庭尋舊轍對景思依々望雲情憒々遙知
北窓下時將道書閱欣々慈母情濟々諸生列泥深往
歎隔居僻來音絕緬焉不可見沉憂為誰說

觀高吹臺遺稿以詩哀之

李迪太史也

聖朝重英彥草澤無遺逸若人抱竒才獨為泉下客華
章委空篋一覽動餘戚妙詠長傳世精靈已歸寂幸茲
墨澤存零落篇翰迹當時携手地事往今成昔永乖盍
簪好緬懷同心益惻愴結長悲音容難再覲

茗陽草堂

閑居守耕作結宇臨溪曲
林扉晝常高
端居延昏旭
高荷映窓晚
清渠含苔綠
逍遙塵事澄
心對簡牘筆硯
發幽芬
琴酌招近局
長吟匪求偶
冥觀真寡慾
羨君棲閑意於焉保貞獨

詠庭前菊

種菊遶庭檻
曉露汎其英
隨風散輕馥
感此時候榮
暖暖自成妍
曄曄綴且明
玩賞祛塵慮
一酌起深情
衆芳久已化
淹留欲何成

過觀音院看竹

僧齋傍松嶺
散步一來遊
蕭洒塵喧少
扶踈篁竹秋
曲沼山泉合
空庭鳥韻深
霜清故葉改
風動高林幽
愛此

歲寒節佇詠一淹留

楚江清遠圖為沈倫畫并寓九曲山房作

烟霏亂晴旭遙見西林山憶歸東湖遠人家春樹間荆
扉映水掩應待龐公還

坐愛西山翠手板方支頤白鳥逝如彼孤雲淡若斯誰
能閑料理空滯還山碁

郢水不可極荆門望漸微青山將落照偏映酒家扉漁
梁夜爭渡知是醉巫歸

潮落寒沙廣蒼然遠山暮何處吾師歸自識門前樹披
圖憶所歷彷彿松滋渡

參差綠樹短窈窕花源明白雲若可攬山鳥時一鳴遙

美中林子遲口南澗行

損啼楚山晚雲生
冒洲渚返照入澄江
風吹半峰雨中
有遠行舟悠々待徒侶

寒烟引輕素斜日在高峰
但聞猿鳥響更無塵土踪
山僧瞑投寺迢迢來清鐘

南山隔秋水秀色空
在眼褰裳不可涉
臨流思無限孤舟肯相濟
寧辭去人遠

會飲戴山僧舍

良會在何所僧齋傍
林立共此一酌歡
逍遙解煩憂相携盡詞客
歸依後道流傾觴不復許
延詠可淹留長松冠岩列
脩竹映林幽澄景自難遇
佳辰當共酬况此無

塵土不樂復何求

喜曹程二文學見過

乖曠逾時節茲辰一來顧暫駐清溪棹坐覽前山暮道
心無異流名言自同趣新詠各相陳華觴寧見訴已倍
高齋眠復接閑園步茲會良已殷來期苦難屢預懸別
離思明發勞遠慕

過南庄感舊

清晨少休暇散步臨南垆茅廬昔所寓暫別歲已盈長
懷秋冬交積潦遠柴荆邑里半流亡鷄犬寂無聲虎迹
滿中逵惕息行路驚斯時掩扉坐蕭條霜氣清賴有案
上書稍寬羈旅情舊景逐時變新歡欣歲成秋禾幸已

穫宿麥亦已青且復遂吾性力耕得所榮

徐叅政手植竹今歲忽抽笋數十莖森然可愛

因而成詠

假寓養幽素高卧掩柴荆愛此娟々綠時復下階行去
歲土力微故叢慄不榮今春少延茂新篁矗已成室庭
風雨餘遺籜散縱橫馥々清露氣蕭々涼吹聲步陰尋
往跡對景悵離情重是君子植微物何足嬰豈應富貴
餘便已忘歸耕懷君隔千里憂襟愴已盈

移寓觀音院讀書

本自東皋居暫假西林寓棲身幽人境依道多妙悟室
門少客來未日絕塵務綠疇嘉禾秀碧井寒泉注果藥

羅新榮松筠蔭微路靜對古人書開帙得新趣且當篇
翰餘登臨愜清素居閑事無累擇勝心所慕此地一棲
止歲寒聊可度

夜宿天寧禪院

服役趨城府公餘稍登歷暮投陳朝寺廊殿多古跡壞
龕明金像妙畫在高壁殘碑不可讀零落蒼蘚積老僧
道心熟趺坐守虛寂示我貝葉書清談竟茲夕風鐸入
雲鳴池泉和露滴言契自相同塵紛從此釋

趙仲稷江浦歸帆圖

蒼山橫平沙細浪雜烟霧何處遠歸人孤帆望中度胡
僧渡水來負杖行頗遽隱隱聽疎鐘朱樓起高樹王孫

當妙年寫此胷中趣晴窗一披玩愜我平生素畫史空
自多妙手不可遇斯人已云亡遺跡勞遠慕亂來名畫
少真贋每相誤願君戲篋笥什襲煩愛護

觀李仲賓侍郎墨竹

妙筆奪天巧寫出碧玉枝焚香靜相對彷彿生清颺桃
李不可儔霜雪那能欺寒心此君心惟有居士知

和金琬寄張廉日暮有懷

齋舍翳村巷園林驚早秋忽枉瓊瑤作開緘釋煩憂迢
迢山水隔遠寄何綢繆感茲落日時獨鳥鳴尋儔眺望
多深情摛辭寫心幽寓意欣有托適性亦何求自愧木
樵詠短篇何足酬

喜金孝元至同讀書山齋

駸七歲年莫漫七山水隔登山為誰思端令遲佳客凌
晨趣來裝迫遙造虛僻講習樂群居直諒獲三益虛館
共弦誦高窓同簡策涉史觀古今談詩竟日夕谷口摘
新蔬林中尋往跡感此幸有托且當戀傳匹相期樹脩
名莫動歸思感

喜陳僉憲北歸訪宿山齋

良游久乖闊音塵邈難通偶然罷官歸一舉脫樊籠清
晨來和闕訪宿山齋中具陳險難事各慰離別容寢扉
對嵐嶺高窓瞰遙空談詩竟日夕揮手送孤鴻覽茲金
玉章綺麗一何工携手且為樂一觴聊可同

過九里山訪陳僉憲

端居彌時節春朝棹輕舟衆芳漸芬菲風日已和柔沿
洄指遠嶼汎覽度重洲青山淡微雨白鳥逐輕漚一遇
素心人超然解塵憂各免簪組累同欣泉石幽朝衣掛
高壁埜服對林丘翰墨互貽會尊酒更獻酬預愁明日
別回首雲山稠

病起

齋居抱微疴沉迷修連朝高眠昧時節局處絕朋交幸
孚勿藥占蹇鼻望林郊扶僊步春園卉木咸光昭青陽
轉緒風枯枝變榮條萋萋長綠草藹々發紅桃覽物清
滯懷玩芳動長謠晨策一來茲群友相招邀晤言疾徐

遣懽遊心自超對簡問新知披襟蕩喧囂眷言同懷客
終然處林臯

南山遊眺

名山亘湖郡岩峩與雲齊巒巘分秀色臺殿擁高基登
眺乘春芳陟降窮丹梯藤蘿高還下猿鳥飛復啼仰凌
千仞岡俯覽三秀萸長松摧新幹密竹長舊溪尋源未
云極歸途已如迷隱淪幸可託終當構林栖

過黃徵君新居

莊生寄漆園子綦鞆南郭逃虛本無迹委蛇聊自託子
欲隱東山常恐負所約幽棲若有期茲焉遂先豁塵心
頓舒捨人事俱濩落開窓泊迥渚啓扉見遠壑田迳莽

繁迂溪流無淹薄編槿代列牖掛席當懸箔釣水臨苔
榭玩山依茵閣安居志已順相親情自度高懷既超廣
外慮徒叅錯願焉長如此守道且為樂

題錢舜舉畫曉日照群山圖

朝陽澄霽景麗色散群峰明霞冠其顛一丘金芙蓉烟
樹遠漸辨蒼翠知幾重幽谷俱光彩卉木生春容茅茨
住溪口樵源疑可通閑觀發佳興清賞復何窮誓將登
日觀一覽披奇甯

移居新齋

素乏經世術自有棲閑情久假西林居羈寓寡懽聲新
移東齋來棟宇喜新營几案亦羅列簡牘復縱橫已欣

卉木長更愛庭石清隣里各相賀斗酒聊共傾欲究先
師教况復獲良朋幸此安蹇拙但愧學無成

喜金孝元復至

別時春始中別後春已遷思慕日已遠感時情自牽茲
晨束簡策擢舟一來旋忽聞扣林扉相見各欣然綢繆
叙間闊芬馥授佳篇嚶鳴念同趣因依學先賢地僻聊
足隱質弱不及宣履運_七造徃循已_七有愆願蒙歲規
益文苑共高騫

閑齋曉起觀道書

閑居養幽素高齋閱清晨披衣朝東皇嚶嗽元和津手
披丹臺書超然滌心神瓊章多奧理妙韵來衆真焚香

盪諸穢有此妙有身理愜意無遺形超志自欣願得升
蓬萊永離萬劫塵

送李文學還鄉

奕葉仙李胄遺芳播千年源宗西平系派別福唐阡宅
瞰廬陵邑門對西江田簪纓著芳謀書詩嗣前賢喪亂
忽無象妖氛方蔓延之子群宗秀抱器脩東遷窳身浙
河濱匿跡洞庭壖擇里苟可處懷居願亦愆今上盪昏
垢脩文偃戈鋌弱喪俱回復流離始歸旋暫與新知別
重尋平生緣元辰理輕裝捐途念行邁舉觴一飲餞臨
岐願留連分袂郡城陰發棹驛亭前行無定端別去
情更牽念當息檐時隣里賀欵然故友半凋落廢宅遠

板纏丘隴卽先築池沼非更穿訪林迷新街企澗飲舊
泉莊烏罷越吟鍾儀地南絃歸根悟妙理衣繡果先言
願因下江使馳寄還山篇

人生悲離別重此骨肉情今君反成懽乃是還鄉行驅
舟涉大河命駕西南征雨餘衆江滿天高夏雲生水鄉
無炎暑客途有常程捨舟玉山淡遙指洪州城惻々鄉
土念依々父老迎各叙昔亂離且欣今太平兵餘少人
歸君歸獨能成苟存丘念何待衣錦榮休告亦易滿
朝謁自有盟勿戀父母邦佇待賓 天京

題晚暉軒

百卉與時悴遺榮獨含芳葱龍耀朝日奕葉凌嚴霜啓

牖延清影俯檻抱寒光夕隕謝浮艷後凋保貞常幽人
抱高節晚歲此徜徉

松下曉櫛

凌晨盥漱罷獨步南階行悄然四隣寂暫此息營營散
髮綠陰下一櫛晨風清彈冠塵自散振衣香更輕松露
空中墜荷氣靜時生悟脫遂真性俛仰忘憂情

雨中簡金孝元

閑居依僧舍托身事文墨道遙養道心緬邈絕塵役與
君一夕別恍若千里隔對酒獨難懽理篋尋舊跡遙思
遊詠時山窓正幽寂書帷羅南軒夏衣掛高壁風驚林
鳥亂雨散野筠碧已懷趨闈戀仍抱離群戚絨詩復何

為憂傷聊可釋

雨窓臨黃庭經

連朝滯積雨齋居事臨池一展右軍翰千載有餘輝纖
鋒多逸氣妙態無妍姿洒落烟霞起縱橫鸞鵠飛遙思
揮毫日心手與神期欣然付道士獨抱白鵝歸模寫意
徒專効顰安可希斯人無復見遡風空自思

謝車叔明惠筆

慙余好文墨模寫自忘疲徒乖入木術詎擬畫沙雖辱
君遠馳念宣毫忽見遺明窓綠陰淨榻試臨清池玉堂
表竒製筠管淡華滋揮搖動清興濡染荷遺輝裁詩仰
為報愧無毛穎辭

誅萱草枕

南園衆卉罷嘉草獨含芳
丹華麗晴日翠葉艷朱光
盈列芳挺淡^匕發輕香豈獨宜
男佩沉憂還可忘願徵
鄭風詠移栽近北堂

送陳憲副之官東廣

少年擢高科遊官歷數春
并涼返北駕交廣馳南輪
過家從便道謁告瞻高墳
朱衣還故里光榮耀鄉隣
茲辰辱枉顧話舊慰所親
王程自有限難為久逡巡
行^匕當盛夏何以解炎氛
前登越王臺仰視羅浮雲
清風肅蠻服善政靜黎塵
已遂鸕鴻舉還思麋鹿群
願因上國使緘書慰惰勤

喜得徐主事書

職叅秋官部地近白雲天英才展高步恩寵冠群賢茲
辰辱芳札啓玩一欣然頗言官守重公門甚熬煎還憶
茗城時携手歷山川高駕不可期尊酒徒盈前遠念千
里隔離思自綿延欲往方自繫將酬未能宣何因解簪
紱歲晏歸田園

題李唐畫袁安臥雪圖

袁生抱高節處順以安時杜門不出仕自與塵世辭歲
莫多嚴風積雪盈路岐擁爐獨高卧中心還自怡縣令
何所聞下車扣茅茨問君胡不出畬云恒苦飢慎守固
窮志相干豈其宜此事沒已久緬焉獨馳思披圖三嘆

息高風如在茲嗟彼後之人汲_上徇其私

築室宜春園

人生固有道勞逸常相於豈云都不營而自求晏如自
從兵燹來第宅無復餘弊宇八九掾守拙依舊墟茲焉
鳩衆工卜築理荒蕪良辰構高堂乃此涼秋初燕雀紛
來賀儼然君子居上以奉父母妻孥共娛娛下以會賓
親高車盈門閭池沼引新泉乘竹榮故株念此園林好
塵纓良可除綢繆結石牖禽鳥猶勤劬托身既得所終
焉守吾廬

翁山僧寄芝草

曄_上紫芝草本是 聖世祥高僧遠見遺採後南澗傍

生條不復枯秀色映朝陽亭上銅池種鵲之瓊田芳齋
戒烹金液服食滌中腸當知清淨域產此濟頽傷愧非
綺與角未能遂翱翔緘此拜還使遥望嵐峰長

牧童詞

朝牧出湖田暮牧還山道山路無豺狼湖田多豐草大
牛耳濕上小牛角爛上脫笠掛疎籬解蓑曝犇蓀有繩
不安牽上多牛易撓有箠不妄施臨閉解其擾坦腹卧
空林日夕牛自飽歸來吹短笛悠然發長嘯取樂在須
臾何如南山皓

送陳僉事往河南舊遊

謝病屢辭秩預告欣免歸投迹歸南山深林歌採薇何

爲遠行邁赴彼千里期河南昔所遊夢想勞心馳茲晨
理行艫解纜臨通岐眷言別桑梓令我恨有違人生無
定端聚散紛如絲別時豈知酸別後各相思王鮪思內
穴越鳥懷南枝京洛毋久滯淄塵易染衣

送弟瑜赴京師

何由行邁遠服役向京師飲餞列長筵簫管清且悲豈
徒兄弟情亦有同門思婉戀辭師傳惆悵別親知朝發
戴山渚夕次吳江湄飄颻冒風塵嚴霜薄征衣索居心
易感懷土念多違願言保令體慰此連理枝王事有更
代歲晏當來歸

送郭伯程遷葬還鄉

廬陵有佳士前代適茲鄉結交多賢豪聯句日翱翔
遊不知歸一旦阻擾攘徘徊死逆旅蒿塋南山岡家有
搃角兒念父結中腸吳楚各緬邈生死安能詳今上盪
妖氛舟車通四方行泣求父所謂存今已亡匍匐五父
衢撫墓心益傷徂謝已永久松柏儼成行殘碑委荒草
壞額遺隧傍感上私心悲過上返路長倉惶啓幽殯明
發理輕裝登艫眺仁山掩泪望九江招魂回故里負骨
還高堂新塋祔祖禰行樹梓與桑哀原不見求義風日
已涼感彼純孝人贈言受斯章

侍宴應制

吾皇弘家慶懽樂殊未央小人叨瓜蔓高會公子堂游

目視東園飛蓋集路傍皓月照園中群木望蒼々靈龜
伏水裔好鳥鳴鏗鏘華燭張高筵綠酒充羽觴弦歌發
清音聽者焉能詳勸酌未半席明星已煌々願志詩人
言為樂無大荒

題胡玄素畫

我有一區宅寄在匡廬山香爐起戶外瀑布落簷間梅
老蒼空發草芳人未還惟有藤蘿月夜々照松關

贈胡若海聶茂先

胡聶兩才子束髮好從戎棄書去學劍聯翩行伍中論
兵舌吐火見敵耳生風連鑣度狹斜接席醉新豐萬里
逐輕車十年無戰功歸來投文吏相顧各成翁知命固

無怨為儒豈不通聊復釋短褐從茲事章逢君息仍見
收吾道未終窮乘輅九真界策馬三晉衝一身隨簡書
分散如飛蓬嚴秋九月天握手此相逢垂楊欲生肘浩
氣猶填胞却話向來踈恍然醉夢同一釗少昊司出入
蓬萊宮一佐青陽宰絃歌百里封人非鳥獸群焉得長
相從喚酒金陵市分袂新亭東高歌句驪曲咲拂寶刀
鋒致身貴勲業泣別非英雄石城接秋浦九華映茅峰
欲寄碧雲句中有雙飛鴻

松竹軒

曹務局終朝齋居暫休沐松陰生晝寒竹色連砌綠懶
從醉吏喧時對高僧宿毋將簿領來穢此山林躅

倭扇

賜從天苑秘來涉雲濤
遠入握體還藏向風機
自辰豈無白團扇能舒不能卷
洗馬手中持終朝陪鳳輦

晚歸飲衆芳亭

晨登郡峰首良遊紆襟陶
寒衣涉蘿磴停策眺蘭皋
崖端俯城肆樹杪矚歸濤
江平遠帆駛天淨群山高
曠望信多美喧濁暫能逃
况值芳樽酒一酌解疲勞

元日喜雪懷方負外以常

片片逐年來皎色映樓臺
墜花驚爆竹落素濕香梅
逸林春宴罷撲馬早朝回
應知洛中客高扉徒自開

郭上舍讀書處

蟲鳴懸齋晚月滿杏花壇散帙夜方半下帷人獨寒屢
看孤燭換詎聞清漏殘推衣待申旦雜佩已珊珊

觀習禮神樂觀婦而有作

維皇泰明祀卜郊時再陽指期戒先事習伏誦故章
竹宮儼清闕羽佩溢中堂絕階羅舞鉞着位表官行升
歌出虞藻妙奏發清商臚音肅遠響華鐘泛高張虛壘
待實醲薦璧頤承筐想茲天步臨穆若垂景光駭奔貴
有恪報說永無疆豈同交門享悅事神方揆予承人
乏具寮慙奉常茲焉陪群考會此靈時旁執禮素寡術
敕躬何敢忘愧無安世歌衰衷望齋房

紀行十首甲寅臘月奉旨乘驛往鳳陽祭

皇陵道經目覽爰筆舟中用記其實

龍江灣

玄天無烈風江水日夜清馳波渺東注迴流抱神京至
哉鍾水德乃以龍為名舟檣萬方合雄麗殊百城昔云
天塹險今作衣帶縈山川跡不改人理有代更下馬入
官船茲焉始孤征祀事有常期中心念王程俯視萬仞
淵不啻溝澮平涉川古所戒事重軀命輕

觀音山

連山爭南馳劃斷滄江曲勢如萬馬奔鞭鞞忽迴復石
角不戴土蒼然四無麓寸草不得榮唯含古苔綠浪波
撞其根岩竇響琴坑浮圖乃善幻凌虛駕佛屋行人願

利涉望拜各致祝人生貴無事安能慮存覆我欲升其
巔憑高快心目飛傳不可留一往如電速

竹篠潭

凍雨不成雪客行利新晴迴睇三山外殘陽靄餘明江
神不揚波歸流澹且平使者誠寡德國家育威靈笳
鼓發中州權歌悲且清醜酒凌長風篇翰倏已成常讀
皇華章征夫任匪輕愧無咨詢効何以答 聖情

金川門

兩山夾滄江拍浮若無根利石伴劍戟風濤相吐吞維
天設巨險為今國東門試得一卒守堅若萬馬屯我來
犯清曉天空霜露籙列宿森在列北斗峭可援江光合

海氣溟濛神攸存俯視不敢唾中有蛟龍蟠浮圖者誰
子高居凌風幡下見渡口人擾々蜂蠆喧愧彼超世士
去々將何言

邗溝

衰楊夾高防北風暮颺颺道逢長老問畬言是邗溝相
傳開鑿初民勞天為愁至今濁河底時見白髑髏陸通
梁宋郊水漕荆吳舟渠成萬世利慮始難為謀至今南
北交此土為名州飛閣跨通波張幄如雲浮憶昨少年
日寶馬珊瑚鈞經過劇辛輩結托金張儔醉月瓊花觀
徵歌明月樓羅綺朝還暮笙芋春復秋繁華逐逝水一
往不可留向來歌舞地茫然狐兔丘家老無兒孫杖藜

驅羊牛少小心尚爾不知今白頭欲從亂離說恐予增
離憂長揖兮袂去零淚如絲流

高郵城

茫茫高郵城下有古戰場當時魚鹽子弄兵此跡踰燕
師掃境出供餽走四方長圍匝百里挫甲耀八荒譬如
高山類一卵安足當驕將存姑息類刃待若降兩機不
容髮豈暇慮殺傷一朝謗書行將殞兵亦亡惜哉三里
城百萬莫與充鹿走命在庖居然屬真王空餘菩薩
臺落日風吹黃

清口

豁達兩河口前與黃河通高岍忽斗折清淮匯其中甘

羅城在南韓信城在東一為秦人英一為漢家雄人生
有不死所貴在立功方其未遇時鹿何異同時命苟
未會丈夫有固窮舍舟登高防歲暮百草生坡陀隴畝
間一二老弱翁遺跡不可問但見荒榛蔽行重回首
目斷雙飛鴻

龜山

輕舟沂淮流千里不見山坡衣起清曉忽觀青孱顏始
覺客愁散類忘行路艱安得策飛筇一造幽人關翻思
在山日午巖厭登攀物少乃足貴不在美惡間役夫告
我言此下棲神姦噓氣成江河頃更駕兩巒僧加大威
力困彼一掬慳石岩下無底繫以千連環至今風濤夕

猶聞響珊珊、茫茫淮泗流禹功不可刊傳奇乃由誰此
語當重刪作詩寄崖石庶以開愚頑

歸過白馬湖

沿流信歸棹漸與青山遠遙見鷓鴣飛蘼蕪春尚淺空
嗟心愛離莫緩愁腸轉不對芳樽酒紛思終難遣

三江口望京闕

凋年赴陵邑穉景懷京闕引領鳩鵲觀言旋桃李月綠
蕪滿芳甸青山麗佳節沙氣已含春柳意方辭雪征夫
雖途近同心仍阻絕逸空廡無遺賞勝聊自悅吾其和
天倪將役莊令說

靜居集卷之一

靜居集卷之二

潯陽張羽來儀著

樂府歌行

賈客樂

長年何曾在鄉國，心性由來好爲客。只將生事寄江湖，
利市何愁遠行役。燒錢醞酒曉祈風，逐侶悠悠西復東。
浮家泛宅無牽挂，姓名不繫官籍中。嗟我大舶夾雙櫓，
大婦能歌小婦舞。旗亭美酒日日沽，不識人間離別苦。
長江兩岸娼樓多，千門萬戶恣經過。人生何如賈客樂，
除却風波柰若何。

長安道

長安城中多大道，滿路香塵風不掃。三條廣陌草斑斑，

十二通衢人浩浩少年結客事遨遊纒纒冠蓋如雲浮
朱衣公子金泥障白馬王孫錦帶鈎五公七相稱豪貴
貴里豪家誰得似走馬章臺柳似絲聞鷄下社人如市
涇川渭水轉依微五陵北去望逶迤還有閉門讀書者
長年不出長蒿藜不學城中遊俠兒百年身死何人知

行路難

君不見富家翁舊時貧賤不得志平生親戚皆相棄一
朝金多賤還貴百事勝人人莫比子孫成列客滿堂美
人四座回鳴璫躍馬揚鞭游洛陽片言出口生輝光由
來本自一人事人心愛惡不相當季子西游窮困歸妻
織自若嫂不炊行路難良可悲不貧賤那得知

將進酒

滄海嘗為田泰山可作砥變遷靡有常黑白交鋒起鈎
曲封公侯弦直道邊委賈哲今幾存不飲將何俟

獨不見

南國有佳人容顏美無度臨風弄寶瑟其音怨而慕未
奉鈔鸞迎詎肯涉行露小院落花深草生春日暮掩關
獨不見淚下濕紈素

守宮詞

鈿盒和丹食龍子胭脂夜凝神血紫老蟾玉杵寒丁東
鸞尾輕飛碎紅靈砂沁透白玉腕細看每將羅袖卷
分明皓雪棲彤霞香痕咲比萼綠華還籠半臂縈盤帶

蝶粉蜂黃鎮長在天桃一點老青春門前魚目深如海

百索詞

越羅窄袖香如雪五色絃茸相鬪結看誰結得絲最長
膏取自身無口舌大姑巧擘松紋細小姑雙盤作入字
揼來只依金釧寬剩得留將繫卽臂繫卽臂結卽心一
寸絲繩一寸金愛惜莫教容易斷直到明年與卽換

羽林郎

羽林侍執戟如霜直入承宣內不防要立奇功靜邊騷
長繩生縛左賢王

邯鄲才人嫁為廝養卒婦

花顏紅柳眉綠解詩書擅詞曲名動趙州城遠召入漢

京天顏加異眷三千粉黛失光晶
才高色美易生妬遂使君心不如故
一朝配與厮養卒胸中哀怨從何訴

吳宮春詞擬王建

館娃宮中百花開西施晚上姑蘇臺
霞裙翠袂當空舉身輕似展凌風羽
遙望三江水一杯兩點微茫洞庭樹
轉面疑眸未肯回要見君王射麋處
城頭落日欲栖鴉下堦戲折棠梨花
隔岸行人莫偷眄干將莫邪光粲

楚宮夏詞擬張籍

渚宮四面芙蓉開碧水晴搖冰井臺
玉壺蔗漿光滿當畫君王頻賜乘
雲綃半幅涼釵滑援琴向風彈白雪
冷玉屏開十指寒輸却鸞篋戲相奪
吳綾画扇鎮長新

肯信年、有炎熱不顧生入蓬萊峰願妾世、居玉宮

秦宮秋詞擬李賀

涼波翠濕南山影露滴金人光炯、君王夜半捲衣回
樓壁斜開蜀雲吟西宮桂熟離、子海童不歸海塵起
蛄啼老石不勝秋小玉採香惜香死胭脂影破澄潭白
菱角尖、怎堪摘鮮紅皺綠來滿舡樓前涼月光團、

漢宮冬詞擬溫庭筠

石鯨吐浪搖金池吹盡宮梅如雪枝避風臺高風不到
寶帳熟眠人未知象爐紅熾後視影豔能軟翠鴛鴦並
李娘喚春、為回笑却人間求火并樹房小妓起常先
玉餅暖手濯溫泉白頭臣朔寒無覆待詔金門霜滿天

寄衣曲

家機織得流黃素首尾量來寬尺度象床玉手熨帖平
緩剪輕裁燭卷莫含情暗忖今瘦肥着處難知宜不宜
再拜征人寄將去邊城寒早莫教遲歸掩雙扉空淚落
舊繡遮身曉寒薄良人早得封侯歸妾身何愁少衣着

陌上花

江南三月芳菲上雜花生樹鶯亂啼美人一去幾斜暉
城郭空在人民非山河滿目草離上留得歌聲落翠微
猶自丁寧緩上歸

鳳子吟

碧梧高上碧天寥上陰風四起吹舊巢時上時上日將

莫兮鳳不來鳳不來兮白雲送日空徘徊

公無渡河

東流水無迴波輕生欲渡河勸公不從如之何河水難
渡渡者轉多

結客少年場行

長安少年重遊俠生平結交盡豪傑聯騎往來五陵道
英雄意氣誰能奪渭城三月非人寰桃李杏花開未闌
李布郭解爭追攀十二街頭車班走馬聞鷄過渭北
檣蒲百萬常一擲朝持黑丸斫府吏莫挾青萍投劍客
娼樓夜半張華憇美人勸酒嬌且妍高歌妙舞紅燭前
醉未失却珊瑚鞭此中樂事亦已偏忽聞天驕渡黑水

天子按劍思開邊，願逐嫖姚充役部。直上頭谷過祁連，
誰侶南隣窮巷子。閉門長誦白雲篇。

龍馬行

吾聞渥洼之馬，一日行千里。此馬骨相真無比，當時貢
來赤墀下。天子臨軒稱絕美，摧竒自是天駟。精四蹄不
動如雲行，奚官黃帽不敢騎。顧影促踏時，長鳴宮車曉。
幸宜春苑六街雨，晴芳草軟翠華冉。塵不驚西出夾
城如電轉，天生此馬非徒為。益車太行吁，可悲駑駘駿
骨自有定，何待方歎伯樂方能知。

猛虎行

兩山猛虎何號雄，飢耒白日出林中。咆哮厚地隨聲震，

萬壑悄々生悲風今年養子南澗北雄出尋群雌護窟
五陵獵徒不敢射空耒山下看行跡射死虎時納虎皮
胥吏索錢還見欺何如殺虎得免費虎自殺人渠不知
昨夜傳聞入南鎮不待三人言已信若殺一虎賞千金
猛虎雖猛應湏盡

老将行

少年十二執金吾一身能擘兩雕弧臨陣堂々膽氣簾
軍中決勝絕代無祁連山前三日戰足馬直走南單于
沙場萬里除殘賊天子臨軒賜顏色當時封侯立功早
今日蹉跎鬢將白淒涼獨守漢西營倚樓閑看陣雲生
胡沙不似當時遠漢月還如舊夜明男兒志氣豈終改

膂力已衰心尚在莫言善飯佮廉頗尚堪一戰空青海

長干行

長干人家向江住朱雀橋邊舊衢路
參差碧瓦颺青旗繫纜門前有楊樹
竹弓射鴨向汀洲家上無井飲江流
女兒數錢當酒肆商人買咲開娼樓
謝家子弟如蘭玉不見當時舊遊躡
夜深月滿大堤寒愁聽陳王後庭曲
送君策馬此中行秣陵遙接石頭城
愁未滿引金陵酒莫聽秋風淮水聲

吳宮白苧辭

織成白苧勝白絲恰稱吳娃水雪肌
渚宮金剪製舞衣白雲一片遙前飛
舞衣當遙索且輕君王回盼心已傾

徘徊玉階夜露零桐花拂面微涼生銀燈結穗晃踈櫺
墜簷遺珮滿中庭此時不說紅錦綺得以千秋薦恩喜
璧月團上墜江水姑蘇臺上烏啼起

溫泉宮行

有客自秦地驪山來言溫泉宮已廢唯泉尚未涸上
池使客所浴下池行人所浴感而賦此

煌上帝業三百年驪山宮殿空雲烟美人艷骨為黃土
山前不改舊溫泉溫泉雖在君王去芳草淒上滿宮路
泉聲如泣日將莫山鷄亂鳴上林樹憶昔玉環賜浴時
紅樓綺閣香風吹頭上寶釵涼欲墮蓮步輕扶雙侍兒
有客今年曾過此宮壞牆傾山色死虎旅知更不復聞

池上玉龍猶噴水當時此水在天上一沐恩波榮莫比
六宮粉黛不敢唾今日行人聞來洗

咸陽宮行

客言咸陽宮亦廢有民種瓜其上感而遂賦

百二山河蒙祖力六雄仰闕不敢敵金人十二高崢嶸
天下甲兵從此息天子曉御咸陽宮樓閣高低複道通
千石之鐘萬石簏遙聞天樂在虛空宮車隱隱春雷起
渭川曉漲胭脂水六宮粉黛謾如雲不救明年祖龍死
榮華奄忽何可論千門萬戶無復存遺墟久被民家占
四望空餘瓜蔓根行人為問瓜田老地上揮鋤休草
荆柯昔日猛如狼曾來此地見秦王百夫之勇猶披靡

汝今搪突何敢爾

驛船謠

驛船來鼓如雷前船去後舡催前船後舡何敢住鋪陳
惡時逢彼怒畫屏綉褥紅纒榆春夢暫醒過船去棹郎
長跪勸使臣願官莫喜更莫嗔古來天地如郵傳過盡
忽々無限人

聽蟬曲

黃鶯紫燕寂無喧新聲寂好是聞蟬栖烟初噪如喧籥
吸露才停侶斷絃乍向風前聞杳裊營々鳴不了
斷續能牽客夢長淒涼解動羈愁早一番蛻脫已身輕
寂是居高韻更清莫道轉丸穢壤底冠綏還比侍臣榮

長樂宮中百鳥靜十二簾開漏方永忽向上林翻下苑
多少蛾眉倚闌聽隋堤千樹柳如烟無情偏向夕陽天
切自將亡國恨淒々欲共路人言蟬聲到處何曾別
人心聽來有悲悅何如一枕北窓眠喧寂都忘聞見絕

古朴樹歌

山前古木不知年婆婆黛色上叅天霜柯反足聞龍虎
偃蓋倒影鳴蜩蟬綠葉叅差有生意中間孔穴萃虫蟻
上枝杳々橫蒼雲下根落々穿厚地樹傍古廟祀土神
人來酌酒澆樹根但願神靈長血食樹木與人終古存
村中老人長孫子自言此樹多年紀憶作兒童上樹時
今見根柯已如此曾經喪亂見太平幾遇斧斤還不死

山僧愛此未誅茅盤鬱蒼翠當磨砢待余六月携床至
卧聽南風鳴海濤

踏水車謠

田舍生涯在田裡家一種苗始云已俄驚五月雨沉淫
一夜前溪半篙水苗頭出水青幽一只恐飄零隨水流
不辭踏車朝復暮但願皇天雨即休前年秋夏重漂沒
未忝紛紜滿阡陌傾家負債償王租卒歲無衣更無食
共君努力莫下車雨聲若止車聲息君不見東家妻前
年換米向湖西至今破屋風兼雨夜一孤兒床下啼

戴山迎送神曲

山蒼一兮多木橫絕四野兮下無麓傲遠望兮登高神

不來兮勞予目煦兮雅兮靈脩儼兮紛來御兮胡不
來兮夷猶將誰須兮遠者芳莫兮子澗有萍絮莫潔兮
貞之清雲為蓋兮霓為旌神之來兮山冥兮絳闕兮
朱堂冠余山兮神所宮神之愉兮既降叶翻龍駕兮雲
中屢舞兮僊兮紛進拜兮庭前靈夫姣兮好服神弗言
兮意已傳牲不實兮酒不旨將淹神兮神安止神弗止
兮福遺我事夫君兮長無已

古劍行

我聞吳王有寶劍其名莫邪與干將此物精靈無乃是
土蝕沙沉寧久藏琉璃寶匣生紅光七星皎叶含文章
寒泉三尺人不識叶背負蒼虬色妖血千年今不乾

鵝鵝膏冷秋霜白太平

天子方赫然八方四海無烽烟嗚呼此物無所試慎勿
龍鳴虎吼飛上天慎勿龍鳴虎吼飛上天

余將軍篆書搨本歌

即忠襄公闕也

余將軍守舒州舒州之城大如礪長江西未繞城流賊
船如雲壓城破將軍提劍城頭坐劍未動虜已奔鯨鯢
蔽江上為渾孤軍六年二百戰王師不來城自存無兵
猶足戰無食安可支豈無愛妾與愛馬殺之不解壯士
飢力盡矢竭將奚為倉皇齧舌罵不已義士千人同日
死祇今還有盡忠池碧血清冷化為水將軍持節東州
時作此篆書形崛竒妙墨已隨神物化好事當時臨得

之雖非其真意獨在垂金屈玉蟠蛟螭我拜重是忠臣
跡秦相雖古其人非嗚呼將軍此書配者誰請君摹取
浯溪石上中興碑

葵軒歌

昔君種葵吳門東南風五月花茸_口年_口走馬看花去
君家有酒如花紅今君種葵荆山下五月開花還繞舍
看花對酒豈無人祇憶故人無在者種_口人在未成翁
何事看_口人不同我亦當時看花者忽到花前如夢中
握君手為君壽但願長看君花酌君酒

畫雲山歌

我昔曾遊廬岳頂欲上青天凌倒景山中白雲如白衣

片_二飛落春風影雲晶兮花冥_三萬壑盡送洪濤聲恍
然坐我滄海上金銀樓觀空中明上清真人咲迎客夜
焚桂枝煮白石手持鳳管叫雲開虎咆龍吟山月白明
發邀我升東峰導以絳節雙青童天鷄先鳴海出日赤
氣照耀金芙蓉屏風九疊花茸_二霧閣雲窗千萬重胡
不置我丘壑中一朝垂翅投樊籠空留萬片雲掛在青溪
千丈寒松愁未弄翰北窓裡貌得雲山偶相侶遂令殘
夢逐秋風一夜
江水夢亦不可到圖亦不可傳
不如早賦歸來篇仙之人兮待我還安能齷齪塵土間
坐令白雲摧絕無所歸青山咲我凋朱顏

醉樵歌

華蓋山高且南楚賸產奇材少榛莽山人嗜酒而業樵
背負清樽手持斧丁伐木雲之深束薪欲擔力不任
且傾醺醖藉盤石痛飲莫知西日沉白眼望天歌鼓腹
榭衣半染苔花綠頽然俯枕樹根瞑鼻息如雷撼巖谷
起來却笑朱買臣底用金紫纏其身堪羨劉伶行荷鍤
生死無累全天真榎楠豫章等枯梗惟取醅酌真樂境
泛觀世士多沉酣誤入牢籠猶未醒

又歌附張仲簡作

又有高青丘一首見在鳴集

東吳市中逢醉樵鉄冠歌側髮飄蕭兩肩砭何所負
青松一枝懸酒瓢自言華蓋峰頭住足跡踏遍人間路
學書學劍總不成惟有飲酒得真趣管樂本是王霸才

松喬自有烟霞具手持崑岡白玉斧曾向月裏斫桂樹
月裡仙人不我嗔特令下飲洞庭春興來一吸海水盡
却把珊瑚樵作薪醒時邂逅逢王質石上看暮黃鵠立
斧柯爛盡不成仙不如一醉三千日于今老去名空在處
處題詩償酒債淋漓醉墨落人間夜風雷起光恠

元季淮南行省叅知政事臨川饒介之分守吳中自
號醉樵求諸作已設宴酬款以詩工拙是坐仲簡之
歌最協意居首席酬黃金十兩次高青丘白金三斤
次先生止一鎰蓋詩有諷畧不痛快也後饒果不得
其終人皆與其獨知言云故老言如此併錄記之

秋桂詞

何年天闕秋風起滿空吹落離、子茁作庭前碧玉枝
開花無數黃金犀幾樹亭、眩朝日踈影玲瓏淡秋碧
花心如麩復如粟能貯古香千萬斛昨夜姮娥開寶鏡
月中地上交相映月中雖長出輪柯阿剛玉斧斫已蹊
何如地上叢生者百尺連蜷小山下小山依舊桂花開
只恨王孫去不來謾聽淮南賦招隱相伴幽人歲華冷

松陰夢詞

陽坡碧草秋芊綿踈影漏衣團綠烟龍枝無聲山日午
仙骨蛻空神悄然冰魂微回海山小冷、鶴語青林表
俯視黃塵蓋九州悠悠、凡夢何時曉

寫生碧桃花歌

少年慣作看花客陌上桃花總相識春風似向此中偏
一種花開百般色只愛深紅更淺紅君家此本更不同
枝上白雲吹不散階前明月照疑空一從一衡根各別
香土斜封愁欲折畫筵紅燭人半醉忽見此花驚是雪
武陵秦人那得知河陽滿縣徒爾為當時東風千樹錦
未比君家瑤樹枝翠禽飛來嗟易見粉蝶栖時難可辨
紅粧美女嬌如花着向花間應掩面花今正開鶯亂啼
酒醒拈筆為君題羨君兄弟如虹霓豪飲不愁花下迷
玉壺清酒金偏提箏箏琵琶羌管齊走覓橋西舊酒伴
莫待風雨花成泥

米南宮雲山歌

古之畫法不復見六朝人物留遺譜後來山水出新意
二李三王差可觀洪谷之後有閔荆營丘渾雄獨造古
華原處士志竒崛餘子紛々何足數郭熙平遠疑有神
北苑爛熳皆天真畫院宣和衆史集俗筆姿媚非吾倫
豈知南宮迥不群一掃千古丹青塵神閒筆簡意自足
窈窕青山行白雲黃埃々々安得此元氣淋漓猶滿紙
晴窗拂拭對高秋恍惚神遊華山裏生平画癖柰此何
為子試作雲山歌珍葢什襲子須記世間名畫今無多

趙魏公竹枝歌

趙魏公宋王孫風流白晢更能文丹青自比董北苑書
法兼工王右軍至元詔書徵草澤召見廷中推第一三

府趨朝賀得人萬乘臨軒賜顏色殿前落筆侍臣驚雞
林象郡總知名夫人通籍宮中宴兒子承恩內裏行一
家三人書統好天子頻稱古來少疏廣歸來有賜金張
芝閑處多章草全盛須臾那可倫百年喬木易成塵淒
涼故宅屬官府零落諸孫隨市人空留遺跡傳身後一
紙千金爭買售屏風畫絕為誰收團扇書工亦何有唐
生購得墨竹枝一尺中含十尺姿若非松雪齋前見應
是漚波亭下披曲池已平臺已壞露葉烟蕪竟何在唯
有双溪水北流至今猶遶空牆外

李遵道墨竹歌

墨竹昉自何人始輞川石刻今餘幾後來蕭悅稍出群

香山侍郎獨稱美洋州太守善寫真長帽先生差可擬
江南謾作金錯刀枝葉離徒何足齒北方作者誇澹游
大金王淡游房山繼之妙莫比吳興公子最擅名同時
亦數薊丘李薊丘有嗣能傳家筆勢翻此其是一筆
玉立無因依風露淋漓猶滿紙想當塗洒發幽興靜對
山僧北窓裡江湖無人老成盡百藝荒涼今已矣展圖
三歎墨君堂秋聲滿座悲風起

江南疑即李後主

唐子華雲山歌

前朝畫品誰第一房山高書趙公子二公何以能絕倫
丘壑乃自胸中起由來書画給心畫政自不在丹青裏
當時豈無劉與商屏障紛紜何足齒唐侯本是雲川秀

青居集二
十四
慶画彷彿董與李長松平遠早已工更上歙州看山水
歸來却師郭咸寧參以房山勢莫比始知絕藝老更成
庸夫俗輩那知此此圖三尺誰為贈雲氣蒼茫石塊磊
牛羊未歸樵子出戶牖寥落蒼厓低寫成不題歲月字
要是頭白居易鄉里乾坤浩蕩江海空後人未續前人死
為君題詩三歎息世上好手今餘幾烏乎尚書公子不
復見得見唐侯斯可矣

長洲行 送黃茂宰之任

昔我揚颿向東海吊古直上姑蘇臺洞庭水樹淨如髮
一片吳江天際來長洲逶迤覆綠水金沙蕩漾波光起
不見夫差蕩槳歸空有倚花似西子閭門大道多酒樓

美人如花樓上頭，爭唱吳歌送吳酒。
玉盤纖手進珍羞，勸人但飲不須愁。
請看豪傑隨東流，伍員吹簫去國成
名鳩夷一去，沉恨無聲要離已矣。
高墳崢嶸，推兒躑躅，芳草春生何如三讓。
人孤名如水清，亦有掛劍翁生死。
見交情薄俗輕，然諾乾坤長戰，爭兩賢不可作。
令我淚沾纓。君發金陵臘未殘，君到吳門春已還。
邑人訟少清，且閑還。同謝晚翫青山開，元寺裡題詩處。
訪我舊墨蒼苔間。倘過臯橋，煩借問，恐有高人梁伯鸞。

梅花初月樓歌

吾聞仙人好樓居，乃在閩風之圃玄洲之墟。
雲窓霧閣千仞表，青天十二金芙蓉。風颿颺，馭不可以廷度。安能

青鹿向烟霧一徑初入千縈紆桃源忽向眼底見風物
但是秦人餘五丁何年運斧鑿石樞洞戶夾立中平舒
紛紛過客弗敢玩山君守護煩呵嚙先生結樓萬木杪
迴若麗譙雄且孤連峯忽斷西南隅卷簾看月蛾眉初
梅花千樹雪不如飛觴醉月弄花影爛然身墮白玉壺
亞卿結髮讀父書十年住樓山與娛一朝徵起青雲衢
珮玉日向君門趨樓前梅花自開落樓頭明月還盈
虛南窗孤燭照歸夢覺來枕席非吾廬且當致身佐
唐虞夔龍豈容混樵漁長干美酒熟可酤梅花如雪覆
綠蕪神州月色天下殊何用區區懷故都花間卧月紅

擢輸人生花月何處無

畫山水行

題趙待制仲稷所畫江浦歸帆秋

林瀟洒二圖沈才幹所藏也

古來名畫傳父子唐有二李蜀兩黃吳興公子冠當代
雍也繼之早擅場宗祖子孫盡龍種毛骨固是非尋常
珊瑚寶玦久零落空有妙藝傳文章至元天子親召見
徒步便賜中書郎奏圖每得天顏喜盛以金匱白玉堂
遂令世人爭貴重門戶雜選如堵牆雍初騰蹕晚一蹶
五陵豪氣無時忘吳姬越娥坐相擁始有落筆揮縑緗
五日十日一水石屏障彷彿生輝光君家雙圖何所得
私印乃出半陵陽一畝汗漫秋水濶鴈鴻排序投瀟湘

山僧悄尋孤寺遠客子喜甚高帆張一圖律兀衆峰出
踈林葉赤天兩霜消搖巾舄者誰氏可是商顏之綺黃
風塵頌洞二十載玉軸錦題多散亡圖書祇應天上有
人間那得千金藏從來好事遂成癖雲烟過眼如毫芒
君不見王家桓家勢盡時複墻走棘不得將何如城南
佳山水千巖萬壑摩青蒼與君對此飲美酒雖無南宮
北苑庸何傷

靜居集卷之二